







— ❧ امثال سلیمان ❧ —

❧ عن اصل محرر بولندي في لسان عبراني دن بالترجمة ❧



معارف عمومیه نظارت جلیله سنک ۲۸ ربیع الاول ۱۳۱۶ و ۲۱ آگستوس
۱۳۱۴ تاریخی و ۲۱۸ نومرو لی رخصتنامه سیله نشر اولمشدر

مصارفی آمریقان ییبل شرکتی طرفدن تسویه اولنه رق

استانبولده

بویاجیان آغوب طبعه سنده طبع اولمشدر

— ۱۹۰۲ —

— ❧ — امثال سلیمان — ❧ —



برنجی باب

- ۱ اسرائیل ملکی سلیمان ابن داودك امثالیدر .
- ۲ حکمت و تربیه یی بیملك و فهم سوزلرینی آکلامق ایچون
- ۳ موجب معرفت اولان تربیه یی یعنی عدالت و حق و استقامتی کسب ایتمك ایچون
- ۴ جاهلله عرفان و کنجه علم و فراست و یرمك ایچوندیر .
- ۵ حکمت صاحبی دیکلیوب علم ارترسون و آکلایشلو کیسه تدبیر تحصیل ایلسون .
- ۶ تا که مثلی و رمزی حکمت صاحب لرینك کلام لرینی و درین سوزلرینی آکلاید .
- ۷ رب قورقوسی علمك ابتداسیدر اما سفیهلر حکمتی و تربیه یی تحقیر ایدرلر .
- ۸ ای او غلم پدرك تربیه سنی دیکله و والدهك تعلیمی رد ایتمه .
- ۹ زیرا انلر سنك باشکه لطف تاجی و بوینکه کردانلقلر اوله جقدر .
- ۱۰ ای او غلم کناهکارلر سنی اضلال ایتمك ایسترلر سه راضی اوله .
- ۱۱ اگر بزم ایله کل قان ایچون پوصوده اوتوره لم بیکناه آدم ایچون کیرلر لویرده سببسنز بکلیده لم

۱۲ هاويه مثللو انلری دیری دیری و چوقوره اینانلر یودیلور کبی
 بردن یودهلم

۱۳ هر نوع ذیقیت مال بولهلم خاندلرمزی غنیمتله طولدرهلم

۱۴ نصیبکی ارامزه آت جله مزك کیسه سی بر اولسون دیرلر ایسه

۱۵ ای اوغلم انلر ایله یوله کیمه انلرک مسلکندن ایاغکی چک .

۱۶ زیرا انلرک ایاقلری کوتولکه قوشارلر و قان دوککه عجله ایدرلر .

۱۷ حقیقه هر قوشك کوزلری اوکنده آغ یهوده یره قوریلور .

۱۸ لکن بونلر کندی قانلری ایچون پوصوده اوتورلر کندی

جانلری ایچون کیزلو یرده بکلرلر .

۱۹ هر طمعکارک مسلکی بویله در طمع کندی صاحبلرینک جانی

آلور .

۲۰ حکمت خارجه ندا ایدر میدانلرده صداسنی ویرر .

۲۱ ازدحاملو یرلرک باشنده و قیولرک مدخللرنده چاغرور شهرده

کندی سوزلرینی سویلیوب دیرک

۲۲ ای جاهلر ند وقته قدر جهالتی سهوه جکسکر نه وقته قدر

مستزیرلر استزاده مسرت بولورلر و احقلملر علمدن نفرت ایدرلر .

۲۳ تعزیرمه رجوع ایدکر اشته بن روحی سنک اوزرکزه

دوکه جکم سزه سوزلرمی بیلدره جکم .

۲۴ مادامکه بن چاغردم وسز امتناع ایتدیکر المی اوزاتم

ودقت ایدن یوق ایدی .

۲۵ انجق جله نصیحتلرمی رد ایتدیکر و تعزیرمی استمدیکر .

۲۶ بن دخی بلایه اوغرا دیغکرده کوله جکم قورقوکر کلدیکنده

استزایده جکم .

۲۷ قورقوکر صاغانق کبی کلدیکنده و بلاکر قاصرغه کبی

یتشدیکنده سزه ثقلت و مضایقه اصابت ایتدیکنده

۲۸ اوزمان بکا فریاد ایدہ جکر و استجاست ایتیمہ جکم بنی
اراید جقلم و بنی بولہ میہ جقلم .

۲۹ مادامکہ علمدن نفرت ایتدیلر و رب قورقوسنی اختیار ایتدیلر

۳۰ نصیحتلرمی استمیوب جملہ تعزیرمی تحقیر ایتدیلر

۳۱ انلر کندی طریقلرینک میوه سندن ییہ جکر و کندی
مشورتلرندن طویہ جقلم .

۳۲ زیرا جاهلرک ضلالتی کندیلرینی اولدره جک و احقلمک غفلتی
کندیلرینی هلاک ایدہ جکدر .

۳۳ اما بنی دیگیان امنیت اوزره ساکن و بلا قورقوسندن سالم
اوله جقدر .

ایکینجی باب

۱ ای اوغلم اگر سوزلرمی قبول و امرلرمی یانکده حفظ
ایدر ایسهک

۲ شویاه که قولاغکی حکمتہ چویره سین و قلبکی فهمہ میل
ایتدره سین

۳ واکر ادراکی دعوت ایدوب فهمہ ندا ایدر ایسهک

۴ اگرانی کومش کی طلب ایدوب کیرنوخزینہ کی ارار ایسهک

۵ اوزمان رب قورقوسنی آکلاید جقسین و معرفت اللهی
بوله جقسین .

۶ زیرا حکمتی رب ویر علم و فهم انک اغزندندر .

۷ او مستقیملر ایچون خلاص صاقلار کمال ایاه سلوک ایدنلره
قلقاندنر .

۸ تاکہ حقک مسلک لرینی وقایہ و متقیلرینک طریقنی حفظ ایدہ .

۹ اوزمان عدالت و حق و استقامتی هر ایو طریقی آکلاید جقسین .

- ۱۰ قلبكه حكمت كيروب جانكه علم لذتلو اولديغنده
- ۱۱ فراست سنی حفظ وفهم سنی وقایه ایده جکدر .
- ۱۲ تاكه سنی شیریر یولندن اگری سوزلو ادمدن خلاص ایده .
- ۱۳ انلر كه ظلمت یوللارنده سلوك ایتك ایچون استقامت طریققرینی ترك ایتدیلر .
- ۱۴ وشر ایشلمكه سونورلر وشریرك اگریلكیله شاد اولورلر .
- ۱۵ انلرك مسلكلری اگریدر وسبیلارنده ترسدلر .
- ۱۶ تاكه سنی فاحشه دن § و مداهن سوزلو غریبه دن خلاص ایده .
- ۱۷ اول كه كنجلكنك محرمی ترك ایتشد و اللهنك عهدینی اونوتشد .
- ۱۸ چونكه انك اوی اولومه وسبیللری اولوره کوتورر .
- ۱۹ مزبوریه کیدنلرك هیچ بری کیرو گلز و حیات طریققرینه واصل اولماز .
- ۲۰ تاكه ایولرك یولنده سلوك ایدوب صالحلرك طریققرینی حفظ ایده سین .
- ۲۱ زیرا مستقیملر زمینده ساکن اوله جقلر و کاملر انده قاله جقلر .
- ۲۲ لکن شیرلر زمیندن منقطع اوله جقلر و ظالملر اندن سوکیله جکلردر .

اوچنجی باب

- ۱ ای اوغلم تعلیمی اونوته و قلبك امرلری حفظ ایلسون .
- ۲ زیرا انلر سكا چوق كونلر وسنه رجه عمر وسلامت ضم ایده جکدر .

- ۳ مرحمت و حقیقت سنی ترك ایتسونلر انلری بوینکه باغلا
انلری قلبك لوحه سی اوزرینه یاز .
- ۴ بویله جه اللهك وانسانلرك نظرنده لطف و كوزل اعتبار
بوله جقسین .
- ۵ بتون قلبكه ربه توكل ایت و كندی عقلكه اعتماد ایتمه .
- ۶ طریقلركك جمله سنده انی بیل او دخی سنك یوللركی
طوغرلده جقدر .
- ۷ كندی نظر كده عالم اولمه ریدن قورق و شردن قاچ .
- ۸ بوسنك سکیرلركه شفا و کیكلركه صحت اوله جقدر .
- ۹ مالكدن و هپ محصولاتك طرفانده لرندن و یرك ربی
تمجید ایله .
- ۱۰ و انبارلرك بركتله طولو اوله جق و معصره لركدن یکی شراب
طاشه جقدر .
- ۱۱ ای او غلم ربك تأدینی تحقیر ایتمه و انك تعزیرندن عاجز
قاله .
- ۱۲ زیر ارب سودیكنی تأدیب ایدر نته کیم بریدر سوکیلو اوغلنی
تأدیب ایدر .
- ۱۳ نه مبارکدر اول آدم که حکمت بولور و اول کیسه که فهمه
واصل اولور .
- ۱۴ زیر انك تمتعی کومش تمتعدن و محصولی حالص التوندن
اولیدر .
- ۱۵ جواهردن قیمتلوردر و جمله ارزو ایتدیك شیلر اکا مساوی
کله مز .
- ۱۶ انك صاغ النده چوق کونلر و صولنده ثروت و عزت وار .
- ۱۷ انك طریقلری نعمت طریقلری و یوللرینك جمله سی سلامتدر .

- ۱۸ اکا یاپشانلره حیات اغاجیدر وانی قوی طوتانلر مبارک اولور.
- ۱۹ رب زمینی حکمتله تاسیس وسمواتی فهمله ثابت ایلدی.
- ۲۰ علمیه دریالر یاریلور وبلوطلر چیک طاملادورلر.
- ۲۱ ای اوغلم بولر کوزلریک اوکندن کیمسونلر حکمتی و فراستی حفظ ایله.
- ۲۲ و سنک جانکه حیات و بوینکه زینت اوله جقلم.
- ۲۳ اوزمان سن یولکده امنیت اوزره یورویه جکسین وایاغک سورچییه جکدر.
- ۲۴ یاتدیغک زمان قورقیه جقسین و او یودیغکده او یقوک طاتلو اوله جقدر.
- ۲۵ انسرین کلان قورقودن و شیرلرک خرابی یتشدیکی زمان اندن خوف ایتمیه جکسین.
- ۲۶ زیرا اعتمادک رب اوله جق وایاغکی طوتلقدن وقایه ایده جکدر.
- ۲۷ ایولک ایتمک الکن کلور ایسه محتاج اولاندن دریغ ایتمه.
- ۲۸ یانکده وار ایکن قوکشوکه کیت ینه کل یارین ویرم دیتمه.
- ۲۹ قوکشوک سنک یانکده امنیت اوزره ساکن اولور ایکن انک علمینده کملک دوشونمه.
- ۳۰ بر آدم سکا کملک ایتمش ایکن سببسن انک ایله نزاع ایتمه.
- ۳۱ ظالم ادمی قرقاقمه و انک طریقلرینی اصلا اختیار ایتمه.
- ۳۲ زیرا فاسد آدم ربک عنندده مکروهدر لکن انک سرتی مستقیملردهدر.
- ۳۳ ربک لعنتی شیریک خانه سندهدر فقط صالحلرک مسکننی مبارک قیلار.

۳۴ حقیقه مستزیری او استرزا ایدر لکن متواضعلری مظهر
لطف ایلر .

۳۵ حکمت صاحبعلری عرتد وارث اولد جقذر واحقرک رفعتی
انجق حقارت اولد جقدر .

دردنجی باب

۱ ای ارغلار پدر تادیبنی دیکله یکر فهمی بیلمک ایچون
دقت ایدکر .

۲ زیرا سزه ایو تعلیم ویررم تنبیهاتی ترک ایتیکز .

۳ زیرا بن پدرمه اوغل و والدهمک نظرند نازک ویر دانه ایدم .

۴ وبکا تعلیم ایدوب دیدیکه قلبک سوزلری طوتسون امرلری
حفظ ایدوب یاشا .

۵ حکمت تحصیل ایله فهم تحصیل ایله اونوته واغزملک
سوزلرندن صابه .

۶ انی ترک ایتمه اودخی سنی حفظ ایدمک انی سو و سنی
وقاید ایلیم جکدر .

۷ باشلوجه شی حکمتدر حکمت تحصیل ایله وجه تحصیل
ایتدیلمک شیر ایله برابر فهم تحصیل ایله .

۸ انی تعظیم ایله اودخی سنی ترفیع ایدم جکدر انی قوجاقلا
اودخی سنی مشرف قیلیم جقدر .

۹ اوسنک باشکه لطف زینتی ویره جک سنی جال تاجیلیم
تاجلندریم جقدر .

۱۰ ای اوغلم دیکله و سوزلری قبول ایله و عمرک سینهلری
چوغاله جقدر .

- ۱۱ حکمت طریقنده سنی تعلیم ایلدم استقامت سیدلارنده سنی
کردردم .
- ۱۲ کزدیککده یولک طار اولیه جق و قوشدیغکده سورچییه جکسین .
- ۱۳ ترییه بی قوی طوت اتی قویورمه اتی حفظ ایله چونکه
حیاتک اودر .
- ۱۴ شیریرلک کیتدیکی یولده کیمه و فاسقلرک طریقنده یورومه .
- ۱۵ اندن صاقن یانندن یکمه اندن اجتناب ایله و یکیور .
- ۱۶ زیر ائلر کلک ایتمینجه اویونازلر برکیمسه بی دوشورمز لر ایسه
اویقولری قاچار .
- ۱۷ زیر شراتمکنی یرلر و ظم شرابنی ایچرلر .
- ۱۸ اما صالحلرک طریق لمعان ایدن نور کیدر که تام کون
اولتجه به دکن ارتوب ضیا ویرر .
- ۱۹ شیریرلک یولی ایسه ظلمت کیدر نندن سورچییه جکلرینی بیلزلر .
- ۲۰ ای اوغم سوزامی دیکله قولاقلرکی کلامه میل ایتدر .
- ۲۱ کوزلرک اوکندن کیمسونلر قلبکده انلری حفظ ایله .
- ۲۲ زیر انلری بولانلره حیات و بتون جسدلرینه صحتدرلر .
- ۲۳ کال دقتله قلبکی حفظ ایله زیر حیاتک منبعی اندندر .
- ۲۴ اعزک فسادینی یانکدن کیدر و دوداقلرک فسقنی کندکدن
اوزاقلشدر .
- ۲۵ کوزلرک طوغری باقسون و کرپکلرک کندی اوککه طوغری
اولسون .
- ۲۶ ایاغکک طریقنی طوغرت و جمله یوللرک ثابت اولسونلر .
- ۲۷ صاغه یا صوله صاپمه ایاغکی شردن کیروچک .

بشنجی باب

- ۱ ای اوغلم حکمتی دیگله ادراکه قولاغی میل ایتدر .
- ۲ تا که فراستی حفظ ایده سین و دوداقلرک علمی صاقلایدلر .
- ۳ زیرافاحشه نك دوداقلرندن بال طاملار وانك دماغی یاغدن یومشاقدر .
- ۴ لکن انك عاقبتی پلین کی آجی وایکی اغزلو قلیج کی کسکیندر .
- ۵ انك ایاقلری اولومه اینزلر ادیملری هاویدیه ایریشورلر .
- ۶ حیات طریقنی اصلا دوشونمیه سین دیو کیدیشی طولاشقدر و نره به کیتدیکنی بیله مز سین .
- ۷ و شمدی ای اوغللر بنی دیگله یکر و اغزمک سوزلرندن صایمیکز .
- ۸ اول قاریدن یولکی اوزاق ایله وانك اوینك قپوسنه یاقلاشمه .
- ۹ اولمیه که اعتبارکی اخرلره و سنه لری مرحتسز اولاند ویره سین .
- ۱۰ اولمیه که اجنبیلر سنك مالکدن طویدلر و امكك غریبلرک اونده قاله .
- ۱۱ و سنك عاقبتکده جسدك وتنك فنا بولدقده فغان ایدرک
- ۱۲ دیمیدسین که تأدیدن نصل اکراه ایتدم و قلم تعزیری تحقیر ایلدی .
- ۱۳ خواجه لرمک سوزینی دیگله مدم و قولاغی معلومه میل ایتدرمدم .
- ۱۴ جهور و جماعت ایچنده آز قالدی هر نوع بلاید دوچار اولیور ایدم .
- ۱۵ کندی صارنجکک صویندن و قویوکده قاینیان صودن ایچ .
- ۱۶ چشمه لرك خارجه اقرار صولرکی میدانلره دوکلسون ؟

- ۱۷ انلر يالكز سنك اولسون و سنك ايله برابر اخرلك اولسون .
 ۱۸ چشمهك مبارك اولسون و كنخلك كده الديكك زوجه ايله
 مسرور اول .
 ۱۹ اوسنك سوكيلو كيكتك و لطيف جيرانك اولسون و هر وقت
 انك مملرى سنى قاندرسون هر دم انك محبتيله مفتون اول .
 ۲۰ اى اوغلم نچون اخرقارى ايله مفتون اوله سين و غريبه يى
 قوجا قليه سين .
 ۲۱ زيرا ادمك طريقلى ربك كوزلى اوكنده در و انك هر ر
 كيديشنى وزن ايدر .
 ۲۲ شريرى كندى فسق طوته جق و كناهنك ايلرياه ضبط
 اولنه جقدر .
 ۲۳ تاديب اولنمديغندن اوله جك و سفاهتنك كثرندن يولى
 شاشره جقدر .

التنحي باب

- ۱ اى اوغلم اكر دوستك ايچون اكفيل اولدك غريب ادمه
 الكى ويردك ايسه
 ۲ اغزنك سوزلرياه طوزاغه دوشدك اغزنك سوزلرياه طوتلدك .
 ۳ اى اوغلم شمدى بونى ياپ و نفسى قورتار چونكه دوستكك
 الله دوشدك كيت دوستكه تواضع و اكا ابرام ايله .
 ۴ كوزلكه اويقو ويرمه و كرپكلرى اويوقلمغه براقمه .
 ۵ اوجينك الندن جيران و قوشبازك الندن قوش كى كندوكى
 قورتار .
 ۶ اى تنبل قارنجيه كيت انك يوللرينى كورده حكمت اوكرن .
 ۷ زيرا انك رئيسى و ضابطى و حكه دارى يوق ايكن

- ۸ يه جكنی يازين تدارك ايدر و ذخيره سنی حصاد وقتنده دوشيرر.
- ۹ ای تنبل ند وقته قدر ياتارسين اويقوكدن نه زمان اويانه جقسين.
- ۱۰ ازاجق اويقو اراجق اويوقله ياتمق ايچون ازاجق انی ال اوستنه قومق ديرايكن
- ۱۱ سنك فقيرلكك ساعی كی و ضرورتك سلاحلو آدم كی كلور.
- ۱۲ يراماز كيمسه و كوتو آدم اغز اكريلكيله حركت ايدر.
- ۱۳ كوزلريه اياما ايلر اياقلىريه سويلر پرماقلىريه اشارت ايدر.
- ۱۴ قلبنده اكريلك وار دائما كلاك دوشنوب خصومت اكر.
- ۱۵ بو سبدن بلاسی انسرين كله جك انسرين قيريه جق و چاره بولغيمه جقدر.
- ۱۶ رب بوالتی شیدن اكراه ايدر ويدی شی انك منفوريدر.
- ۱۷ متكبر كوزلر يالانجی دل و بيكناه قان دوكن اللر
- ۱۸ فاسد افكار ايجاد ایدن قلب كوتولكه چابك قوشان اياقلىر.
- ۱۹ يالان سويليان يالانجی شاهد و برادرلر اراسنه خصومت اكن آدم.
- ۲۰ ای اوغم پدركك امرينی حفظ اياه و والدهكك تعليمی ترك ايمه.
- ۲۱ انلری دائما قلبكه ربط اياه انلری بويىنكه باغله
- ۲۲ يوريديككده انلر سكا قلاغوز اولسون اويوديغكده سنی بكه سون و اويانديغكده سنك اياه صحبت ايلسون.
- ۲۳ زیرا امر چراغ و تعليم نو در و تادیب تعزیرلری طریق حیاتدر.
- ۲۴ تاكه سنی كوتو قاریدن مداهن سوزلو غریبهك دلندن حفظ ايليه.

۲۵. قلبکده انک کوزللیکنه ارزوایتیه و سنی کندی کریکریایه
جذب ایتسون .

۲۶. زیرا زانیه نك سبیلله آدم بر دیل اتمکه بیله محتاج اولور زوجی
اولان کوتوقاری قیمتلو جانی آولار .

۲۷. بر آدم قویننه آتش آلوده البسه سی یانمازی .

۲۸. بر کیمسه قورلر اوزرنده کزده ایاقلری یانمازی .

۲۹. قوکشوسنک زوجه سنه تقرب ایدن بویله در اکا طوقنان
هرکیم ایسه صوچسز اولماز .

۳۰. خرسز آج اولدیغی حالده قارنی طویورمق ایچون خرسزاق
ایتدیکنده تحقیر اولماز .

۳۱. لکن طوتلدیغنده یدی قات ادا ایده جک خاندسنده هر نه سی
وار ایسه ویره جکدر .

۳۲. قاری ایله زنا ایدنک عقلی نقصاندر بو شیئی ارتکاب ایدن
کندی جانی هلاک ایدر .

۳۳. ضرب و حقارت بولور و عاری محو اولماز .

۳۴. زیرا قرقاچلق زوجک حدیدر و انتقام کوننده شفقت ایتز .

۳۵. هیچ بر فدیة قبول ایتز رشوق چوغالتسه کده راضی اولماز .

یدنجی باب

۱. ای اوغلم سوزلرمی حفظ ایله و امرلرمی یانکده صاقللا .

۲. امرلرمی حفظ ایله و یاشایه جقسین و تعلیممی کوزلرکک بیکی
کی کوزت .

۳. انلری پ ماقلرکه باغله انلری قلبکک لوحه سی اوزرینه یاز .

- ۴ حکمته همشیره م سین دی و فهمی محرم اسمیله یاد ایت .
- ۵ تا که سنی فاحشه دن مداهن سوزلو غریبه دن حفظ ایلله .
- ۶ زیرا خانه مک بنجره سندن قسمدن باقدم .
- ۷ جاهلار اراسنده کوردن کنجدر اراسنده عقلی نقصان بر
نوجوان تشخیص ایتدم
- ۸ که اقسام اولوب قراکلق باصدقده کیجه لین ظلمده
- ۹ زوقاقده اول قارینک اوینک گوشه سندن کچور و انک اوینک
بولنی طوتیور ایدی .
- ۱۰ واشته اوکنه فاحشه قیافتلو و قلی حیلله لو بر قاری چیقدی .
- ۱۱ (او یاغره جی و ازغین در ایاقلری کندی خانه سنده طورماز .
- ۱۲ گاه طیشاریده گاه میدانلرده و هر گوشه باشنده پوصوده بکله .
- ۱۳ انی طوتوب اوپدی و عارسر بر یوزله اکا دیدیکه
- ۱۴ سلامت قربانلرم وار بن بوکون نذرلری ایفا ایتدم .
- ۱۵ بواجلدن سنی استقباله یوزکی ارامغه چیقدم و سنی بولدتم .
- ۱۶ یتاغی اورتورله مصرک نقشلو قاشیله دوناتدم .
- ۱۷ یتاغه مر صافی و عود اغاجی و دارچین سرپدم .
- ۱۸ کل صباحه دک عشقله مست اولهلم و محبتله تلذذ ایدهلم .
- ۱۹ زیرا زوجم خانده دکدر اوزاق یوله کیتدی .
- ۲۰ آنچه کیسه سنی یاننه آلدی بدو وقتنده اوینه کله جکدر .
- ۲۱ چوق فنلریله انی میل ایتدردی دوداقلرینک مداهنه سیله
انی جلب ایتدی .
- ۲۲ سلخاندیه کیدن اوکوز کبی جزایه کیدن زنجیرلو سفیه کبی
طوس طوغری اول قارینک اردنجه دوشدی .
- ۲۳ قوش کندی جانی ایچون اولدیغنی بیلیهرک طوزاغه سرعتله
کیتدیکی کبی او دخی جکرینه اوق یکنجه یه قدر کیتدی .

۲۴ و شمدی ای اوغلار بنی دیکله یکر اغزمک سوزلرینه قولاق ویرکز .

۲۵ قبلک انک یوللرینه صاپسون انک ایزلرنده طولاشمه .

۲۶ زیر ا چوق کیمسلری مجروح دوشوردی و انک اولدردیکی کیمسلرک کافه سی قوت صاحبلی ایدی .

۲۷ انک اوی هاوید یوللریدر انلر اولومک خلوتلرینه ایزلر .

سکزنجی باب

۱ اشته حکمت ندا ایدر و فهم سس قالدورور .

۲ یوکسک یرلرک باشنده یول اوزرنده طریقار اراسنده طورور .

۳ قپولرک یاننده شهرک اوکنده قپولرک مدخلنده چاغروب دیرکه

۴ ای ادملر سزه ندا ایدرم و آوازم بنی ادمه در .

۵ ای جاهلار عرفان اوکرنکز ای احققلر قبلکز آکلایشلو اولسون .

۶ دیکله یکر زیر ا یوکسک امور دن بحث ایده جکم و اغزمک

آچلمسی طوغری مادهلر ایچون اوله جقدر .

۷ زیر اغزم حقیقت تکلم ایده جک لکن حقسنزلق دوداقلز مه

مکروهدر .

۸ اغزمک جمله سوزلری حق ایله در انلرده اکر یلک و فساد یوقدر .

۹ جمله سی آکلایشلو کیمسه نك عندنده طوغری و علمی بولانک

نزدنده حقدر .

۱۰ کومشدن ایسه تربیه می قبول ایدکز و علمی خالص التونه

مرج طوتکز .

۱۱ زیر ا حکمت جواهر دن ایودر و جمله ارزولنه جک شیلر اکا

مساوی دکلدور .

- ۱۲ بن حکمت عرفان ايله ساکن اولورم و عیلت تدبیرلرینی بولورم .
- ۱۳ رَبّ قورقوسی شردن اکراه ایتمکدر بن عروور و تکبر و کوتو یول و حیللکار اغزدن اکراه ایدرم .
- ۱۴ مشورت و درایت بنمدر بن فهم ایم و قوت بنمدر .
- ۱۵ بنم واسطه مله ملیکلر سلطنت و امیرلر حق اوزره حکم ایدرلر .
- ۱۶ بنم واسطه مله رؤسا و اشراف زمینک حاکملرینک بجهلوسی حکومت ایدرلر .
- ۱۷ بن بنی سونلری سورم و بنی ارکن آریانلر بنی بولورلر .
- ۱۸ بنم یانمده ثروت و عزت نفیس اموال و صلاح واردلر .
- ۱۹ بنم ثمرم التوندن و خالص التوندن و محصلوم خالص کومشدن ایودر .
- ۲۰ بن صلاح طریقنده حق سییللرینک اورتدسند سلوک ایدرم .
- ۲۱ تا که بنی سونلره میراث اولمق اوزره اموال و یریم وانلرک خزینهلرینی طولدره جغم .
- ۲۲ رَبّ طریقنک ابتدا سندن قدیم فعللرندن اوّل بکا مالک ایدی .
- ۲۳ بن ازلدن زمین موجود اولمازدن اوّل مسح اولندم .
- ۲۴ دریالر ده یوق ایکن چوق صویکارلری اولمازدن اوّل بن طوغمش ایدم .
- ۲۵ طاغلر برلشدرلمزدن اوّل بایرلردن اقدام بن طوغمش ایدم .
- ۲۶ ده زینی و صحراسنی و دنیا نك ابلک طوبراغنی یاپمزدن اوّل .
- ۲۷ سمواتی حاضرلدیغنده و دریانک یوزی اوزرینه فلک قوردیغنده بن اوراده ایدم .
- ۲۸ یوقاریدن بلوطلری قوتلندر دیکنده لجه نك پکارلرینی محکم قیلدیغنده .

۲۹ دکره صولری کندی امرینی تجاوز ایتمی ایچون قانون قودیغنده زمینک تملنی براقدیغنده

۳۰ بن انک یاننده معمار ایدم هرکون مسرقی ایدم دایما انک حضورنده فرحانور ایدم .

۳۱ بن دنیاده انک زمینده مفرح ایدم و مسرتم بنی آدم ایله ایدی .

۳۲ و شمدی ای اوغلار بنی دیکله یکر چونکه طریقلرمی حفظ ایدنلر مبارکدر .

۳۳ تربیه بی دیکله یوب اهل حکمت اولکر وانی رد ایتیکز .

۳۴ نه مبارکدر اول آدم که بنی دیکر و هرکون قپورلرده اویانق طورور و قپو سوکلرمی کوره در .

۳۵ زیرای بنی بولان حیات بولور و ربک لطفله مظهر اولور .

۳۶ لکن بکا کنه ایدن کندی جاننه غدر ایدر بکا بغض ایدنلرک جمله سی اولومی سورلر .

طقوزنجی باب

۱ حکمت کندی خانه سنی بنا ایتدی یدی دیرکلرینی یوندی .

۲ حیوانلرینی بوغازلدی شرابی مزج ایلدی سفره سنی دخی ترتیب ایتدی .

۳ جاریه لرینی کوندردی شهرک یوکسک یرلنده ندا ایدر .

۴ هرکیم جاهل ایسه بورایه کلسون و عقلی نقصان اولانه دیرکه

۵ کلکر طعم مدن ییکز و مزج ایلدیکم شرابدن ایچکر .

۶ جهالتی ترک ایدکر و یاشارسکر و فهم یولنده سلوک ایدکر .

۷ مستیزی بی توبیخ ایدن رذالت بولور و شریری تعزیر ایدن لکه دار اولور .

- ۸ مستیزی پی تعزیر ایتمه که سکا بغض ایتمه اهل حکمتی تعزیر
ایله و سنی سوو جکدر .
- ۹ اهل حکمته نصیحت ویر ودها زیاده اهل حکمت اولور
صالحی تعلیم ایله وعلی ارتار .
- ۱۰ حکمتک ابتداسی رب قورقوسیدر و قدوسی بیلک فهمدر .
- ۱۱ زیرا کونلرک بنم واسطه مله چوغاله جق و عمرکک سنه لری
ارته جقدر .
- ۱۲ حکمتک وار ایسه اول حکمت کندوکه عاندر و مستیزی
ایسه ک جزای یالکز سن چکه جکسین .
- ۱۳ سفیه قاری یاغره جیدر جاهله در و برشی بیلز .
- ۱۴ وکندی اوینک قپوسنده شهرک یوکسک محللارنده اسکمله
اوزرنده اوتورر .
- ۱۵ که یولدن کچنلره طوغری یوللرینه کیدنلره .
- ۱۶ هر کیم جاهل ایسه بوراید کلسون دیو چاغره و عقلی نقصان
اولاند دیر که
- ۱۷ سرقت اولنمش صولر طاتلودر کیر لیجه ینیلان اتمک لذتلودر .
- ۱۸ لکن بیلز که اوراده اولور وار و انک دعوت ایتدیکی کیمسه لر
هاویدنک درین یرلرنده در .

اونجی باب

امثال سلیمان

- ۱ عقللو اوغل پدرینی مسرور ایدر لکن احق اوغل
والده سنه باعث حزندر .
- ۲ شر ایله اولان خزینه فائده ایتز لکن صلاح اولومدن قورتارور

- ۳ رَبِّ صَلَاحْكَ جَانَنِي آجِ بَرَاقَازْ لَكِنْ شَرِيرْلَرِي اِرْزُولَرَنْدَنْ
محروم ايدر.
- ۴ تَنْبَلْ اَلْ اَيْلَهْ اَيْشَلِيانْ فَقِيرْ اُولورْ فَقَطْ چَالَشْقَانْلَرِكْ اِلِي زَنْكِنْ
ايدر.
- ۵ يَازِنْ دوشِيرانْ عَقْلَوْ اوْغْلدرْ حِصَادْ وَقْتَدَهْ اوْيوْيانْ خَجَلْ
ايدَنْ اوْغْلدرْ.
- ۶ صَلَاحْكَ بَاشْنَدَهْ بَرَكْتَلَرِ وارْ لَكِنْ شَرِيرْلَرِكْ اَغْزِينِي ظَلَمْ قَایِلارْ.
- ۷ صَلَاحْكَ ذَكْرِي مَبَارَكْدَرْ فَقَطْ شَرِيرْلَرِكْ اَسْمِي چورورْ.
- ۸ قَلْبِي حَكْمَتْلَوْ اُولانْ اَمْرَلِي قَبولْ ايدرْ لَكِنْ دوداقلَرِي سَفِيهْ
اُولانْ يَقِيلورْ.
- ۹ اسْتِقَامْتَلَهْ سَلوكْ ايدَنْ اَمْنِيْتَلَهْ سَلوكْ ايدرْ فَقَطْ طَرِيقْلَرِينِي
اَكْرِيْلَدَنْ مَعْلومْ اولَهْ جَقْدَرْ.
- ۱۰ كوزلَرِيْلَهْ اِيْمَا ايدَنْ اذِيْتْ وِیْرَرْ ووداقلَرِي سَفِيهْ اُولانْ يَقِيلورْ.
- ۱۱ صَلَاحْكَ اَغْزِي حَيَاتْ مَنبَعِي درْ لَكِنْ شَرِيرْلَرِكْ اَغْزِينِي ظَلَمْ
قَایِلارْ.
- ۱۲ بَغْضْ نِزَاعِي تَحْرِيكْ ايدرْ اَمَّا مَحَبَّتْ جِلهْ خَطَارِي سَتَرَايدَرْ.
- ۱۳ آكْلايْشَلونْكْ دوداقلَرْنَدَهْ حَكْمَتْ بولنورْ لَكِنْ عَقْلِي نَقْصَانْ
اُولانْكْ اَرْقَهْ سِي اِيچونْ دَكْنَكْ لَازِمْدَرْ.
- ۱۴ حَكْمَتْ صَاَحْبِلَرِي عِلْمْ يِغَارْلَرِ اَمَّا سَفِيهْكْ اَغْزِي هَلَاكَهْ يَاقِينْدَرْ.
- ۱۵ زَنْكِينْكْ ثُرُوقِي مَتِينْ شَهْرِيدَرْ يوقْسوللَرِكْ فَقْرِي كَنْدِيلَرِكْ
هَلَاكِيدَرْ.
- ۱۶ صَلَاحْكَ اَيْشِي حَيَاتْ اِيچونْدَرْ شَرِيرْكْ اِيْرَادِي كَنَاهْ اِيچونْدَرْ.
- ۱۷ تَرْبِيهْ يِي حَفْظْ ايدَنْ حَيَاتْ طَرِيقْنَدَهْ درْ لَكِنْ تَاْدِيبِي رَدْ ايدَنْ
ضَلَالْتَهْ دوشَرْ.
- ۱۸ بَغْضِي كِيزْلِيانْ يالانْجِي دوداقلودرْ وْمَذْمَتْ شَرَايدَنْ سَفِيهْ درْ.

۱۹ سوز چوققلغنده خطا اكسك اولماز اما دوداقلرينى ضبط ايليان عاقلدر .

۲۰ صالحك دلى خالص كوشدر شريرك قلبنك قيمتى آزدر .

۲۱ صالحك دودانلرى چوق كيمسهلى پرورده ايدر لكن سفيهر عقل نقصانلغندن اولورلر .

۲۲ ثروت ويرن انجق ربك بركتيدر واکا مشقت قاتماز .

۲۳ کوتولك ايتك احقه كيفدر فقط حكمت آكلايشاو آدم ايچوندر .

۲۴ شريك قورقديغى شى باشنه كلور لكن صالحرك ارزوسى احسان اولنور .

۲۵ شير قاصرغه يكدىكى كى چوب كيدر لكن صالحك اساسى ابديدر .

۲۶ سرکه ديشلره وتوتون كوزلره نصل ايسه قبل آدم اتى كوندرنلره اويلاه در .

۲۷ رب قورقوسى كونلرى چوغالدور لكن شريرك سنهلى آزاله جقدر .

۲۸ صالحرك اميدى مسرتدر فقط شريرك انتظارى ضايع اولور .

۲۹ ربك طريق كامله قوتدر لكن فسق ايشليانلره هلاك اولور .

۳۰ صالح ايدا صارصليه جق اما شريرلر یرده ساكن اوليه جقلر .

۳۱ صالحك اغزى حكمت حصوله كتورر لكن حيله كارلسان كسيله جكدور .

۳۲ صالحك دوداقلرى مقبول اولانى ييلور اما شريرك اغزى حيله در .

اون برنجی باب

- ۱ حيله لو ترازو ريك عندنده مكر وهدر فقط طوغری طارق
انك عندنده مقبولدر .
- ۲ عرور كلدیكنده رذالت ده كلور لكن حكمت متواضعلر ايله در
- ۳ مستقیملرك كمالی كندیلرینی ارشاد ایدر اما عاصیلرك فسادی
كندیلرینی هلاك ایلر .
- ۴ غضب كونده ثروت فائده ایتمز لكن صلاح اولومدن
خلاص ایدر .
- ۵ كاملك صلاحی یولنی طوغرلدر فقط شریر كندی شریله دوشر .
- ۶ مستقیملرك صلاحی كندیلرینی خلاص ایدر لكن عاصیلر
كندی کوتولكلریله طوتیلورلر .
- ۷ شریر آدم وفات ایتدیكنده انتظارى بوشه چیقار و کوتولرك
امیدی محو اولور .
- ۸ صالح مضایقه دن قورتیلور وانك پیرینه شریر كلور .
- ۹ منافق كندی اغزیله قوکشوسنی هلاك ایدر لكن صالحلر
علمه خلاص بولورلر .
- ۱۰ صالحلرك خوش حاليله شهر شئلك ایدر شریرلر هلاك
اولدیغنده مسرت صداسی ایشیدیلور .
- ۱۱ مستقیملرك برکتيله شهر رفعت بولور اما شریرلرك اغزیله
خراب اولور .
- ۱۲ عقلی نقصان کیسه قوکشوسنی تحقیر ایدر لكن آكلایشلو
آدم سكوت ایلر .
- ۱۳ غمازلقده كرن سرتی فاش ایدر فقط روحی صادق اولان
ایشی ستر ایدر .

- ۱۴ تدبیر اولد قبحه قوم یقیلور اما مستشارلرک چوقلغنده
خلاص وار .
- ۱۵ یانجی ید کفیل اولان البته بلایه اوغرار اما کفالتدن اکراه
ایدن امیندر .
- ۱۶ لطافتلو قاری شرف کسب ایدر وقوت صاحبیری اموال
کسب ایدر .
- ۱۷ مرحتلو آدم کندی نفسنه خیر ایدر . لکن مرحتسز کندی
وجودینه زحمت ویرر .
- ۱۸ شیریر آدم بیهوده ایشله مشغولدر فقط صلاح اکن کیمسه نک
امین بر اجر قی اولور .
- ۱۹ صلاح باعث حیات اولدینی مثللو کوتولکه تابع اولان
کندی اولومنه کیدر .
- ۲۰ قلبی فاسد اولانلردن رب اکراه ایدر لکن طریق کامل
اولانلردن راضیدر .
- ۲۱ فاسقلر ال اله ویرسلر جزاسز اولمازلر اما صالحلرک ذریقی
نجات بولور .
- ۲۲ ادراکسز کوزل قاری خنزیر پرونده التون حلقه کبی در .
- ۲۳ صالحلرک ارزوسی یالکز خیردر لکن شیریرلرک امیدینک
تنبه سی غضبدر .
- ۲۴ آدم وارکه توزیع ایدر ودها زیاده اولور و آدم وارکه لایقندن
زیاده اسرکر و ضرورته دوشر .
- ۲۵ خیرخواه کیمسه برکتلنور و صواران صواریلور .
- ۲۶ بغدادی محتکرینه خلق بددعا ایدر لکن انی صاتانک باشنه
خیر دعا اولور .
- ۲۷ خیر طلب ایدن مظهر لطف اولور فقط کوتولک ارایان

اكا اوغزار .

۲۸ ثروتنه اعتماد ایدن یقیلور لکن صالحلر یشیل پیراق کبی تازہ نور .

۲۹ خانہ سنی راحتسز ایدن روزگارہ وارث اولور وسفیہ آدم قلبی آکلایشلو اولانہ بندہ اولور .

۳۰ صالحک ثمرہ سی حیات اغاجیدر وجاتلر قازانان اهل حکمتدر .
۳۱ امشہ زمینده صالحہ جزا ویریلور فاسق و کناہکار نرہده قالور .

اون ایکنجی باب

۱ تربیہ یی سون علی سور وتوبیخدن اکراه ایدن احقدر .

۲ ایوآدم ربک رضاسنه نائل اولور اما حیلہ کار آدم علیهنہ الله حکم ایدر .

۳ آدم شرایلہ قائم اولماز لکن صالحلرک اصلی صارصلماز .

۴ فضیلتلو قاری زوجنه تاجدر فقط خجل ایدن انک کیکلرنده چور وکلک کیدر .

۵ صالحلرک افکاری حقدر لکن شریرلرک تدبیرلری حیلہدر .

۶ شریرلرک سوزلری قان ایچون پوصودر فقط مستقیملرک اغزی کندیلرینی قورتارور .

۷ شریرلر یقیلوب محو اولورلر اما صالحلرک خانده سی قائم طورور .

۸ درایتنه کوره آدم مدح اولنور و قلبی اکری اولان تحقیر اولنور .

۹ حقیر اولوبده "برخدمتکاری اولان" آدم افتخارلو واتمکه محتاج اولاندن ایودر .

۱۰ صالح آدم حیواننی قاپرور اما شریرلرک کوکلی مرحمتسزدر .

§ یاخود کندی خدمتنی کورن

۱۱ طوپراغنى ايشليان اتمكه طويار لکن بوش ادملره تابع اولانك
عقلى نقصاندر .

۱۲ شرير کوتورك شكارينه مشتاقدر فقط صاحليک اصلى
محصولداردر .

۱۳ فاسق کندی دوداقلرينك کوتولکيله طوزاغه دوشر لکن صالح
مضايقه دن قورتيلور .

۱۴ انسان کندی اغزينك ثمره سی اوله رق خيره طويار و ادمك
الينك عوضى کندينه اعاده اولنور .

۱۵ سفیهك يولى کندی نظرنده طوغريددر لکن نصیحت دیکليان
کیمسه عاقلدر .

۱۶ سفیهك اوفكه سی کونده ييلنور اما حقارتی ستر ايدن عاقلدر .

۱۷ حقیقی سويليان عدالت و يالانجی شاهد حيله اظهار ايدر .

۱۸ آدم واردر که سوزلری قلیج کبی ياره آچار اما حکمت
صاحبلرينك لسانی شفاقددر .

۱۹ صادق دوداق دانما ثابتدر لکن يالانجی دل بر لحظه ایچوندر .

۲۰ کلاک دوشقانلرك قلبنده حيله وار فقط سلامت ایچون نصیحت
و یرنلرك مسرق اولور .

۲۱ صالحه اصلا بلا اصابت اتمز اما شریرلر کدرله طولودرلر .

۲۲ يالانجی دوداقلر ربك عندنده مکروهدر لکن صدقه عمل
ايدنلردن راضیدر .

۲۳ عاقل آدم بیلدیکنی ستر ايدر اما احقرلرك قلبی حیاقت
اعلان ايدر .

۲۴ چالشقانلرك الی حکومت ايدر فقط تنبل خراجگذار اولور .

۲۵ ادمك قلبنده اولان غم اتی چوکدرر اما ایوسوز اتی مسرور
قیلار .

- ۲۶ صالح آدم قوڭشوسنی ارشاد ایلر لکن شیر برلک طریق
کندیلمی اضرال ایدر .
- ۲۷ تنبل آدم شکارینی پشورمز فقط چالشقانک مالی قیمنلو اولور .
- ۲۸ صلاح طریقنده حیات وار "وانک مسلکی یولنده اولوم
یوقدر .

اون اوچنجی باب

- ۱ عقللو اوغل پدرینک تربیه سنی قبول ایدر لکن مستهزی
تعزیر دیکله مز .
- ۲ آدم کندی اغزینک ثمره سندن خیریر اما غدارلرک جانی
ظلمیر .
- ۳ اغزینی ضبط ایدن جانی حفظ ایدر فقط دوداقلرینی ککش
آچان هلاک اولور .
- ۴ تنبلک جانی ارزو ایدر ایسه ده برشی بولماز لکن چالشقانک
جانی سمیرنور .
- ۵ صالح بالان سوزدن اکراه ایدر اما شیریک اطواری خجالت
ورذالت کتورر .
- ۶ طریق کامل اولانلری صلاح وقایه ایدر فقط شر کنهاکاری
هلاک ایلر .
- ۷ برشین یوق ایکن کندینی مالدار کوستران وار و چوق مالی
وار ایکن کندینی فقیر کوستران دخی واردر .
- ۸ ادمک جائنک فدیسه کندی ثروتیدر لکن فقیر تعزیر ایشیمز .
- ۹ صالحلرک نوری فرحدر اما شیر برلک چراغی سوزر .

§ یاخود لکن طریق عام اولومه کوتورر

- ۱۰ تکبردن انجق نزاع چيقار فقط نصيحتي قبول ايدنلرده
حکمت بولور .
- ۱۱ بطالتله کلان ثروت زائل اولور لکن اليله طویلایان
چوغالدور .
- ۱۲ تاخر ایدن امید یورکی خسته ایدر اما اتمام اولنان ارزو
حیات اغاجیدر .
- ۱۳ کلامی تحقیر ایدن هلاک اولور فقط امردن خوف ایدن
مکافات بولور .
- ۱۴ اهل حکمتک تعلیمی حیات چشمه سیدر آدم انکله اولومک
کنندلرندن کیرو طورور .
- ۱۵ مکمل فطانت لطف احسان ایدر اما غدارلرک یولی صرپدر .
- ۱۶ هر عقلو آدم علمله ایشلر لکن احق حماقت شر ایدر .
- ۱۷ کوتو مخبر بلایه دوشر اما صادق الحی شفادر .
- ۱۸ تربیه یی رد ایدن سفالت و حقارت چکر لکن تعزیری دیکلیان
شرف بولور .
- ۱۹ ارزونک اتمام اولنمسی جانه خوش کلور و کوتولکدن
اجتناب اتمک احقرله مکروهدر .
- ۲۰ حکمت صاحبلی ایله کرن حکمت صاحبی اولور لکن سفیهره
رفیق اولان کوتو اولور .
- ۲۱ کناهاکارلی بلا تعقیب ایدر اما صالحلره خیر عوض
ویریلور .
- ۲۲ ایو آدم اولادینک اولادینه میراث براغور لکن کناهاکارک
مالی صالح ایچون صاقلانیلور .
- ۲۳ فقیرلرک زراعت ایتدکلری طوپراقده ینه جک چوقدر اما آدم
وار که حقسنزلقدن هلاک اولور .

۲۴ دکنی اسرکیان اوغلنه بغض ایدر لکن انی سون وقتیلہ
تادیب ایلر .

۲۵ صالح طوینجهده قدریر فقط شریرلرک قارنی احتیاج چکر .

اون دردنجی باب

۱ عقللو قاریلر خاندلرینی بنا ایدرلر لکن سفیه قاری انی
الیله ییقار .

۲ استقامتیلہ سلوک ایدن ربدن قورقار اما یولی اکری اولان
انی تحقیر ایدر .

۳ سفیهک اغزندہ کبر دکنی وار فقط حکمت صاحبلرینک
دوداقلری کندیلرینی حفظ ایدر .

۴ صیغر بولمیدیغی یرده اخور تمیز قالور محصولک کثرتی ایسه
اوکوزک قوتیلہ اولور .

۵ طوغری شاهد یالان سویلز لکن یالانجی شاهدک اغزندن
یالانلر دوکیلور .

۶ مستهزی حکمت طلب ایدر ایسهده بولماز اما آکلایشاویہ
علم قولایدر .

۷ احق ادمک یانندن کیت مادامکه دوداقلرنده علم بولمک .
۸ عاقلک حکمتی کندی یولنی آکلامقدر واحقلمک حماقتی

حیلہدر .

۹ سفیلر کنهای استهزا ایدرلر اما مستقیملر اراسنده حسن
رضا وار .

۱۰ قلب کندی دردینی بیلور و بر غریب انک مسترته قارشماز .
۱۱ شریرلرک خانهسی خراب اولور لکن مستقیملرک چادری

چیچکلنور .

- ۱۲ يول وار كه ادمه طوغرى كورينور فقط انك نهايتي اولوم يوللريد .
- ۱۳ كولمكده بيله قلب محزون اولور وفرحك عاقبتى غدر .
- ۱۴ فاسد قلب كندى يوللرندن ايو آدم ايسه كندى ياننده بولناندن طويار .
- ۱۵ ساده دل هر سوزه اينانور لكن عقللو كندى اديلرينه دخت ايدر .
- ۱۶ اهل حكمت خوف ايدوب کوتولكدن اجتناب ايدر اما احق تكبر ايدوب كندينه كوكنور .
- ۱۷ چابك غضبلنان حماقت ايدر و حيله كار ادمه بغض اولنور .
- ۱۸ ساده دل اولانلر حماقت و ارث اولور لكن عاقللر علمله تاجلنور .
- ۱۹ کوتولر ايولك اوكنده و شريرلر صالحلرك قپولرى ياننده يره قپانورلر .
- ۲۰ فقيردن كندى قوكلشوسى بيله اكراه ايدر لكن زنكينك دوستلرى چوق اولور .
- ۲۱ قوكلشوسنى تحقير ايدن كناه ايشلر و بيجاره يه مرحمت ايدن مباركدلر .
- ۲۲ حقيقه كللك دوشنانلر ضلالتله دوشلرلر اما ايولك تفكر ايدنلره لطف و حقيقت اولور .
- ۲۳ هر امكده منفعت وار لكن ييهوده سوزلر موجب ضرورتدر .
- ۲۴ حكمت صاحبلىرىنك تاجى انلرك ثروتيدر فقط احقلىرك تقدىمى حاقندر .
- ۲۵ طوغرى شاهد جانلر قورتارور اما حيله كارك اغزندن يالانلر دوكلور .
- ۲۶ رب قورقوسنده قوى اعتماد وار و اوغللرينه ملجأ اولور .

۲۷ رَبِّ قورقوسی حیات منبعی در آدم ائکله اولوم کندلرندن کیرو
طورور .

۲۸ قومک کثرتی ملکک عزتیدر واهالینک اکسلسی حکمدارک
زوالنه سبب اولور .

۲۹ کج غضبلناتک فهمی چوقدر اما چابک غضبلنان حیاقت
ایدر .

۳۰ حلیم قلب جسدک حیاتیدر فقط حسد کیکلرک چوروکلکیدر .
۳۱ فقیره ظلم ایدن خالقنی تحقیر ایدر اما یوقسوله مرحمت ایدن
انی تعظیم ایدر .

۳۲ شریر کندی فسق سببیه طرد اولور لکن صالحک وفاتنده
اعتمادی واردر .

۳۳ آکلایشلو ادمک قلبنده حکمت قرارلشور فقط احققلرک
درونده اولان معلوم اولور .

۳۴ صلاح برملتی یوکسلدر اما کناه قومه عاردر .

۳۵ ملک درایتلو قولدن راضی اولور لکن خجل ایدنه غضب ایدر .

اون بشنجی باب

۱ ملایم جواب حدقی تسکین ایدر لکن سرت سوز غضبی
تحریک ایلر .

۲ حکمت صاحبیرینک لسانی علمی خوش کویسترر لکن احققلرک
اغزی سفاهت ایدر .

۳ ربک کوزلری هریرده کوتولری و ایولری کوزتمکده در .

۴ لسانک سلامتی حیات اغاجیدر لکن لسانک فسادی روحک
قیرلمسی در .

- ۵ سفیه کندی پدرینک تربیه سنی تحقیر ایدر اما تعزیری
دیگیان عقلو اولور .
- ۶ صالحک خاند سنده چوق خزینه وار لکن شریرک ایراندنه
اضطراب وار .
- ۷ حکمت صاحبهرینک دوداقلری علم نشر ایدرلر فقط احقرک
قلبی اویله دکلدر .
- ۸ شریرک قربانی ربک هندنه مکروهدر لکن مستقیمک
دعای اکا مقبولدر .
- ۹ شریرک یولندن رب اکراه ایدر اما صلاحه تابع اولانی سور .
- ۱۰ طریق ترک ایدنه شدتلو تأدیب وار تعزیردن اکراه ایدن
اوله جکدر .
- ۱۱ هاویه و هلاک ربک حضورندهدر بنی ادمک قلبری نروده قالیر .
- ۱۲ مستیزی کندی مدرسنی سومر و حکمت صاحبهرینک یاننه
کیتیز .
- ۱۳ مسرور قلب یوزه بشاشت ویرر اما قلبک حزنندن روح
قیریلور .
- ۱۴ آکلایشلو قلب علم طلب ایدر لکن احقرک اغزی سفاقتله
بسئور .
- ۱۵ دردلرنک هپ کونلری فنادر فقط قلبی فرح اولان داما
ضیافتدهدر .
- ۱۶ رب قورقوسیه آزشی اضطرابله اولان چوق خزینه دن اولیدر .
- ۱۷ محبت اولان یرده سبزه طعمی خصوصتله ینیلان بسلو صیغردن
ایودر .
- ۱۸ حدتلو آدم نزاع حیقارور اما کح غضبلان غوغایی تسکین ایدر .
- ۱۹ تنبلک یولی دیکن یتتی کبیدر لیکن مستقیمک طریق جادهدر .

۲۰ عقلو اوغل پدرينى مسرور ايدر لکن احق آدم والده سنه باعث حقارتدر .

۲۱ عقلی نقصان ادمه سفاهت کيفدر اما آکلایشلو آدم مسلکني طوعرلدر .

۲۲ مشورت اولدقجه تدبيرلر بوزيلور اما مستشارلرک کثرتيله ثابت اولور .

۲۳ ادمک مسرتی اغزينک جوابندن اولور و وقتيله اولان سور نه کوزلدر .

۲۴ فطانتلويد حيات طريقی يوقارويه طوغريدنر تاکه ايشاغيده کی هاويه دن اجتناب ایده .

۲۵ رب متکبرلرک خانه سنی خراب ایلر اما طول قارينک حدودینی ثابت قیلار .

۲۶ شیررک افکاری ربک عندنده مکروهدر لکن پاک اولانلرک سوزلری خوش سوزلردر .

۲۷ طمعہ مبتلا اولان کندی خانه سنی مضطرب قیلار اما رشوتدن اکراه ایدن یاشایه حقدر .

۲۸ صالحک قلبی ویره کی جوابی تفکر ایلر لکن شیررلرک اغزی کوتولک اقدیر .

۲۹ رب شیرلردن اوزاقدیر فقط صالحلرک دعاسنی دیکر .

۳۰ کوزلرک نوری قلبی فرحاندزور ایو خبر کیکره سمیرنک ویرر .

۳۱ حیات توبیخی دیکلیان قولاق حکمت صاحبلی اراسنده ساکن اولور .

۳۲ تربیه یی رد ایدن کندی جانی تحقیر ایدر و توبیخی دیکلیان عقل قرانور .

۳۳ رب قور قوسی حکمتک تربیه سیدر و تواضع عزتدن مقدمدر .

اون التنجی باب

- ۱ قلبك تدبيرلى انسانده عائددر لكن لسانك جوابى رببندر.
- ۲ ادمك هپ يوللى كندى نظرنده پاكدر فقط روحلى وزن ايدن ربدر.
- ۳ ايشلى ربه حواله ايله وافكارك ثابت اولور.
- ۴ رب هر شئى كندى تيجهسى ايچون شريرى دخی بلا كوفى ايچون ياپدى.
- ۵ قلبى مغرور اولانلرك جلهسى ربك عندنده مكروهدر ال اله ويرسدلر جزاسز قالميه جقلىر.
- ۶ عنايت و حقيقتله كناه ستر اولور ورب قورقوسيله كوتولكدن اجتناب اولور.
- ۷ رب بر آدمك يوللرندن راضى ايسه دشمنلرينى انك ايله بارشدرور.
- ۸ عدالتله اولان آزشى حقسنزقله اولان چوق ايراددن اوليدر.
- ۹ ادمك قلبى كندى يولنى ترتيب ايدر لكن انك اديلرينى رب طوغرلدر.
- ۱۰ ملكك دواقلرنده الهام وار انك اغزى حكمد خلافت ايتز.
- ۱۱ طوغرى قنطار و ترازو ربكدر طوبرهك هپ طارقى طاشلى انك ايشيدر.
- ۱۲ فعل شر ملكر عندنده مكروهدر زيرا تحت عدالتله ثابت اولور.
- ۱۳ صالح دواقلر ملكره خوشدر و طوغرى سويليانى سورلر.
- ۱۴ ملكك غضبى اولوم مخبرليدر لكن عاقل آدم انى تسكين ايدر.

- ۱۵ ملک یوزی نورنده حیات وار و انک رضاسی صوک یغمور بلوطی کیدر .
- ۱۶ حکمت تحصیل ایتک التوندن نه قدر ایودر و فهم تحصیل ایتک کومشدن افضلدر .
- ۱۷ مستقیملرک جاده سی کوتولکدن اجتناب ایتکدر کندی یولنه دقت ایدن جاننی حفظ ایدر .
- ۱۸ خرابیتدن مقدم کبر و هلاکدن مقدم مغرور روح اولور .
- ۱۹ متواضعلر ایله الحق کولکلو اولق متکبرلر ایله یغما تقسیم ایتکدن ایودر .
- ۲۰ ایشده عقللو اولان خیر بولور و ربه توکل ایدن مبارکدر .
- ۲۱ قلبی حکمتلو اولانه فطانتلو دینلور و طاتلو دوداقلر معلومات ارتور .
- ۲۲ فراست کندی صاحبنه حیات منبعی در لکن سفیهلرک تربیه سی سفاهندر .
- ۲۳ اهل حکمتک قلبی اغزینی ماهر قیلار و دوداقلرنده معلوماتی ارتور .
- ۲۴ لطیف سوزلر طامله بالی کیدر جانده طاتلو و کیکلره شفا در .
- ۲۵ یول وار که ادمه طوغری کورینور فقط انک نهایتی اولوم یوللریدر .
- ۲۶ امک چکن کیسه کندیسی ایچون امک چکر زیرا اغزی انی تشویق ایدر .
- ۲۷ اهل فساد کوتولک اراشدرور و دوداقلرنده کویا یاقار آتش وار .
- ۲۸ اکری آدم نزارغ چیقارور و غماز خاص دوستلری آیرور .
- ۲۹ غدار کیسه رفیقنی اضلال ایدر وانی ایو اولیان یولده کزدرور .
- ۳۰ حيله دوشمنک ایچون کوزلرینی قپار و دوداقلرینی اصره رق

کوتولکی اکمال ایدر .

۳۱ صاحب آقغنی صلاح طریقنده بولندیغنده عزت تاجیدر .

۳۲ کج غضبلان جباردن و کندی روحنی ضبط ایدن شهر فتح ایدندن افضلدر .

۳۳ قرعه قوجاغه اتیلور و انک هر بر حکمی ربنددر .

اون یدنجی باب

۱ اسایشله قوری بر لقمه نزاع ایله بر خانه طولوسی قرباندن ایودر .

۲ درایتلو بنده خجل ایدن اوغله حکم ایدر و قرنداشلر اراسنده میراث حصه سی آلور .

۳ کومش ایچون پوته و التون ایچون اوجاق وار لکن قلبری تجربه ایدن ربدر .

۴ فسق ایشلیان کوتو دوداقلری دیکلر یالانجی بد لسانه قولاق ویزر .

۵ فقیری استهزا ایدن انک خالقنی تحقیر ایدر بلایه سویستان جزاسز قالمیه جقدر .

۶ اوغلرک اوغلری اختیارک تاجیدر و اوغلرک عزتی پدرلریدر .

۷ حسن کلام سفیه ودها زیاده یالانجی دوداق اصلزاده یه یاقشماز .

۸ هدیه "انی قبول ایدنک" عندنده ذیقیمت طاشدر هر نزهه دونسه میسر اولور .

۹ قباحتی ستر ایدن محبت ارار لکن ماده یی تکرارلیان خاص دوستلری آبروز .

§ عبرانیجه انک صاحبنک

- ۱۰ آکلایشلو اولانه تعزیر احقیه یوز کره اورمقدن زیاده
تأثیر ایدر .
- ۱۱ کوتو آدم انحق عصیان ارار واکا شفقتسز مأمور کوندر یلور .
- ۱۲ یاور یلرندن محروم ایدلمش آيو ادمه تصادف ایتسون ولکن
سفاهتی وقتنده سفیه تصادف ایتسون .
- ۱۳ خیره بدل کملک ایدنک خانه سندن بلا اکسک اولماز .
- ۱۴ نزاعک ابتداسی صویک صالیویرلمسینه بکزر ایمدی منازعه
کسب شدت ایتزدن کیروچکل .
- ۱۵ فاسقی تبریه ایدن وصالخی مجرم طوتان ایکیسی ده ربک
عندنده مکروهدر .
- ۱۶ احقک ادراکی اولدیغی حالده حکمت تحصیل ایچون انک
النده اولان نقدک نه فائده سی وار .
- ۱۷ دوست دایما سور وقرنداش مضایقه وقتی ایچون طوغمشدر .
- ۱۸ عقلی نقصان اولان آدم ال ویرر و دوستی ایچون کفیل اولور .
- ۱۹ غوغا سون قباحث سور و قیوسنی یوکسلدان خرابنی ارار .
- ۲۰ قلبی اکری اولان خیر بولماز و حیلله باز دیللو آدم بلایه دوشر .
- ۲۱ احقی تولید ایدن قساوت چکر و سفیهک پدری مسرور اولماز .
- ۲۲ فرحلو قلب علاج کبی فائده لودر ازلمش روح کیکلری قورودر .
- ۲۳ شریر آدم عدالت طریقلرینی افساد ایچون آخرینک قوینندن
رشوت آلور .
- ۲۴ آکلایشلو ادمک اوکنده حکمت وار فقط احقک کوزلری
زمینک منتها سنده در .
- ۲۵ احق اوغل پدرینه قساوت وانی طوغرانده مرارتدر .
- ۲۶ صالحدن جریمه آلق واستقامتلی سببندن اشرافی ضرب
ایتمک آيو دکلدر .

- ۲۷ سوزلرینی اسرکیان عالمدر روحی حلیم اولان آکلایشلودر .
 ۲۸ احق بيله سکوت ایتسه اهل حکمت و دوداقلرینی قپایان
 آکلایشلو اعتبار اولنور .

اون سکنرنجی باب

- ۱ کیفنی آرامق ایچون آیریلان آدم هر تدبیره مخالفت ایدر .
- ۲ احق عرفاندن خوشلماز انجق قلبنده اولانی بیان ایتمک استر .
- ۳ شریر کلدیکنده حقارت و رسوایی ایله رذالت دخی کلور .
- ۴ ادمک اغزینک سوزلری درین صولردر حکمتک چشمه سی
 جوشغون ایرماقدر .
- ۵ محاکمه ده صالحی حقسنر چیقارمق ایچون شریرک خاطرینی
 صایمق ابو دکلدور .
- ۶ احقک دوداقلری نزاعه کیریشور و اغزی طباقلر دعوت ایدر .
- ۷ احقک اغزی هلاکنه سبدر و دوداقلری جاننه طوزاقدر .
- ۸ غمانوک سوزلری لقوملر کیدر و قارنک ایچروسنه اینزلر .
- ۹ ایشنده تکاسل ایدن مسرف ادمک قرنداشیدر .
- ۱۰ ربک اسمی متین قله در صالح اکا قوشار و ملجا بولور .
- ۱۱ زنکینک ثروتی انک متین شهریدر و کندی تصورنده یوکسک
 قلعه کیدر .
- ۱۲ خراییتدن اول ادمک قلبی تکبر ایدر و تواضع عزتدن
 مقدم اولور .
- ۱۳ ایشیتزدن اول جواب ویرمک ادمه حیاقت و عاردر .
- ۱۴ ادمک روحی کندی مرضنه تحمل ایدر فقط ازلش روحی
 کیم قالدیره یلور .

- ۱۵ آکلایشلو قلب علم تحصیل ایدر و حکمت صاحبیرینک
قولاغی علم طلب ایلر .
- ۱۶ ادمک هدیه سی کندینه یول آچار وانی یوکلرک حضورینه
کوتورر .
- ۱۷ دعواسنی اوّل باشلیان حقلو کورینور لکن خصمی § کلور
وانی تفتیش ایدر .
- ۱۸ قرعه نزاعلری تسکین ایدر و قوتلور اراسنده اولان دعوی
فصل ایدر .
- ۱۹ اینجمنش قرنداشک کوکلی یایمق قوتلو شهر آلمقدن کوچدر
و منازعه لری قلعه طرقالزلی کبیدر .
- ۲۰ آدم قارننی اغزینک میوه سندن طویرور و دوداقلرینک
محصولندن طویار .
- ۲۱ اولوم و حیات دلك قدرتمنده در وانی سونلر انک میوه سنی یرلر .
- ۲۲ زوجه بولان خیر بولور و ربك لطفنه نائیل اولور .
- ۲۳ فقیر رجا ایله سویلر لکین زنکین سرت جواب ویرر .
- ۲۴ "دوستلری اولان آدم دوستانه طورانملو" و قرنداشدن زیاده
قوی دوست واردر .

اون طقوزنجی باب

- ۱ کمالنده سلوک ایدن فقیر حیلہ کار دوداقلو احققدن ایودر .
- ۲ همدخی بر کیمسه نك علمدن بی بهره اولسی ایودکلدر و ایاقلریله
عجله ایدن قایار .

§ عبرانیجه قوکشوسی

* یاخود چوق دوستلری اولان آدم خراب اولور

- ۳ ادمك سفاحتى انك يولنى بوزار و قلى رب عليهنده كوچنور.
- ۴ ثروت دوستلر چوغالدور لكن فقير كيمسه دوستدن آيريلور.
- ۵ يالانجى شاهد جزاسز قالماز و يالان سوزلر سويليان قورتماز.
- ۶ جو مردك رضاسنى طلب ايدن چوق اولور و هر كس هديه ويرنه دوست اولور.
- ۷ فقيرك جمله قرنداشلى اكا بغض ايدرلر ند قدر زياده انك دوستلرى اندن اوزاقلاشورلر بيهوده سوزلر ارقه سنه قوشار.
- ۸ عرفان تحصيل ايدن جاني سور و فهمى حفظ ايدن خير بولور.
- ۹ يالانجى شاهد جزاسز قالماز و يالان سوزلر سويليان هلاك اولور.
- ۱۰ احقه احتشام ياقشماز و ند قدر زياده رئيسلر اوزرينه تسلط ايتك قوله لايق اولماز.
- ۱۱ ادمك درايى غضبى تاخير ايدر و قباحتن صرف نظر ايتك انك فخر ايدر.
- ۱۲ ملكك غضبى كنج ارسلانك كومورده مسنه بكرر لكن انك رضاسى اوت اوزرينه اينان چيك كيدير.
- ۱۳ احق اوغل پدرينه بلادر و قارينك نزاعلى كسلر طامله كيدير.
- ۱۴ خانه و مال اجداددن قالمه ميراندر لكن درايىلو زوجه ربنددر.
- ۱۵ تنبللك درين اويقوكتورر واهمال ايديجى آج قالور.
- ۱۶ امرى حفظ ايدن جاني حفظ ايدر يوللرينه دقت ايتيان اوله چكدر.
- ۱۷ فقيره مرحمت ايدن ربه اودنج ويرر اودنى اكا مكافاتنى ويره چكدر.

۱۸ امید وار ایکن اوغلکی تأدیب ایله و سن کندوک انک اولومنه
سبب اوله .

۱۹ حدق چوق اولان آدم جریه ویرر زیرا انی خلاص ایدر
ایسه کده بتکرار ایتلیسین .

۲۰ نصیحتی دیکله و تأدیبی قبول ایله تا که عاقبتکده اهل حکمت
اوله سین .

۲۱ ادمک قلبنده چوق تدبیر وار لکن ثابت قالان ربک مر ایدر .

۲۲ ادمک شانی انک شفقتیدر و فقیر یالانجیدن ایودر .

۲۳ رب قورقوسی باعث حیاتدر و اکا مالک اولان طوق یاتار
و بلایه اوغراماز .

۲۴ تنبل آدم النی صحنه باترور انی اغزینه ییله دوندرمز .

۲۵ مستهزی بی ضرب ایتدیککده جاهل کیمسه عاقل اولور
و آکلایشلوی تعزیر ایلدیککده علمی آکلار .

۲۶ پدرینی خراب و والده سنی طرد ایدن خجالت و حقارت
کتورن اوغلدر .

۲۷ ای اوغلم علمک سوزلرندن صاپدره حق نصیحتی دیکله مکدن صاقن .

۲۸ کوتو شاهد حق استهزا ایدر و شیرلرک اغزی کوتولکی یودار .

۲۹ مستهزیلر ایچون مجازات و احقرلرک ارقه سی ایچون طیاق
حاضر لامشدر .

یکرمنجی باب

۱ شراب استهزا ایدیچی و مسکر غوغاجیدر و اکا مبتلا
اولان عاقل دکلدر .

۲ ملکک هییتی کنج ارسلان کومورده مسنه بکرر و انی غضبه
کتورن کندی نفسنه خطا ایتمش اولور .

- ۳ نزاعدن اجتناب ایتک ادمه شرفدر و هر سفیه غوغاجی اولور.
- ۴ تنبل قیشدر دیو چفت سورمز و حصاد وقتنده دینور و پرشی بولماز.
- ۵ ادمک قلبنده اولان افکار درین صولدر لکن اهل عرفان انی چیقارور.
- ۶ ادمک اکثری کندی ایولککرینی اعلان ایدرلر اما صادق ادبی کیم بوله ییلور.
- ۷ کمالیه سلوک ایدن صالحدر و کندنندن صکره اولادی مبارک اولور.
- ۸ حکم کرسیسنده اوتوران ملک کوزاریله هر کوتولکی طاغیدور.
- ۹ قلمی پاکلدم کناهمدن طاهر اولدم کیم دیه ییلور.
- ۱۰ ایکی درلو طاری طاشی ایکی درلو اولچک ایکسیده ربک عندنده مکروهدر.
- ۱۱ بر چوجفک فعلی بیله پاک و طوغری اولوب اولدیغی ایشلرندن معلوم اولور.
- ۱۲ ایشیدن قولاغی و کورن کوزی ایکسینی ده رب خلق ایتشدور.
- ۱۳ اویقوی سومه که فقیر اولیه سین کوزلکی آج که اتمکدن طویدسین.
- ۱۴ مشتری فنادر فنادر دیر و کیتدکد نصکره افتخار ایدر.
- ۱۵ التون و چوق جواهر بولنور لکن عالم دوداقلر قیمتلو زینتدر.
- ۱۶ اجنبییه کفیل اولانک اثوابی آل و غریبه ایچون کفیل اولاندن رهن آل.
- ۱۷ حیلله ایله اولان اتمک ادمه لذتلور لکن صوکنده اغزی قومله طولار.
- ۱۸ مقصدلر مشورتله ثابت اولور و تدبیرله محاربده ایله.

۱۹ غمازلقده کرن سرتی فاش ایدر ایمدی دوداقلریاه یالتاقلتان ایله اختلاط ایتمه .

۲۰ پدرینه و والدہ سنه شتم ایدنک چراغی قویو قراکلقده سونه جکدر .

۲۱ ابتداده عجله ایله آننان میراثک نهایتی برکتلو اولماز .

۲۲ کلکه مقابله ایدیم دیمه ربه منتظر اول و او سنی قورتاره جقدر .

۲۳ ایکی درلو طارقی طاشی ربک عندنده مکروهدر و حيله لو میزان ایو دکدر .

۲۴ انسانک ادیملی ربندر ایمدی بر آدم کنندی یولنی فصل آکلایدیلور .

۲۵ دوشمنکسزین وقف ایتمک و نذر دصکره تفتیش ایلمک ادمه طوزا قدر .

۲۶ حکمت صاحبی اولان ملک شیررلی طاغیدور و اوزرلرینه چرخنی دوندورور .

۲۷ انسانک جانی ربک چراغیدر درونک هپ کیرلو یرلرینی اراشدورور .

۲۸ عنایت و حقیقت ملکی حفظ ایدر و تختی عنایتله ثبات بولور .

۲۹ کنجک شانی انلرک قوتیدر و اختیارلرک شرفی صاح آقلغیدر .

۳۰ یاره لیان طیاقلر و درونک ایچنه قدر تاثیر ایدن ضربلر شیرری تصفیه ایدر .

یکرمی برنجی باب

۱ ملک قلبی ربک النده صوج دولری کیدر هر قغنی طرفه استرسه انی چورور .

- ۲ ادمك هر يولى كندى نظر نده طوغرى كورينور فقط قىلورى
وزن ايدن ريدر .
- ۳ عدالت و حقانيت اجراسى ربك عننده ذبيحه دن زياده
مقبولدر .
- ۴ كوزلك تكبرى و قلبك غرورى شيرلرل كورى كناهدر .
- ۵ چالشقانك افكارى انجق فيض و هر عجله ايدن كيسه
انجق ضرورت كتورر .
- ۶ يالانجى دل ايله خزينه لر جمع ايتك اولوم آرايانلرك تعقيب
ايتدكلرى بطلاندر .
- ۷ شيرلرك ظلمى كنديلرينى خراب ايدر زيرا حقانيت
اجراسدن امتناع ايدرلر .
- ۸ مرتكب ادمك يولى طولاشقدر و پاك ادمك ايشى طوغريددر .
- ۹ طام كوشه سنده اوتورمق نزاعجى قارى ايله بيوك خاننده
ساكن اولمقدن ايودر .
- ۱۰ شيرلرك جاني كوتولكه مشتاقدر قوكلوشى انك طرفندن
مرحت بولماز .
- ۱۱ مستهزينك جريمه ده اوغرامسيلاه جاهل عقلنور و عاقل آدم
نصيحتلاه علم تحصيل ايدر .
- ۱۲ شيرلرل كوتولكلرى سببندن هلاك اولدقلرنده عادل شيرلرك
خانه سنه دقت ايدر .
- ۱۳ فقيرك فريادندن قولاغنى قبايان كنديسى دخی فرياد
ايدجك و مستجاب اوليه جقدر .
- ۱۴ كيرليده و يريلان عطيه غضبي و قويته قونيلا ن هديه شدتلو
خشمى تسكين ايدر .
- ۱۵ اجراى حق صالحه فرح فقط فسق ايشليانلره مشقتدر .

- ۱۶ عقل طریقندن صاپان آدم اولورک جماعته اینه جکدر .
- ۱۷ صفا سون محتاج اولور شراب و یاغ سون زنکین اولماز .
- ۱۸ صالح ایچون شریر و مستقیملرک بدنه غدار فدییه اولور .
- ۱۹ بریده ساکن اولق نزاعجی و حرصلو قاری ایله اوتورمقدن ایودر .
- ۲۰ اهل حکمتک خانه سنده مرغوب خزینه و یاغ وار اما احق آدم اولانی یودار .
- ۲۱ صلاح و مرجه سعی ایدن حیات و صلاح و عزت بولور .
- ۲۲ اهل حکمت قوتلورک شهری اوزرینه چیقار و اعتماد ایتدکری محکم یری ییقار .
- ۲۳ اغزینی و دلنی حفظ ایدن جانی مضایقه لردن حفظ ایدر .
- ۲۴ غرور و حدتله حرکت ایدنه مغرور و متکبر مستهزی دینلور .
- ۲۵ تنبلک ارزوسی انی اولدرر زیرا اللری چاشمقدن امتناع ایدرلر .
- ۲۶ او هرکون زیاده سیله ارزو چکر فقط صالح و یرر و اسرکه مز .
- ۲۷ شریرلرک ذبیحه سی مکروهدر باخصوص کوتو نیتله تقدیم ایتدکرند .
- ۲۸ یالانجی شاهد هلاک اولور لکن دیکلیان آدم دائما سویلر .
- ۲۹ شریر آدم یوزینی سرتلشدرر اما مستقیم اولان یوللرینی ثابت قیلار .
- ۳۰ رب علینده نه حکمت و نه فطانت و نه مشورت اولور .
- ۳۱ حرب کونی ایچون آت حاضرلنور فقط خلاص ربه مخصوصدر .
- یکرمی ایکنجی باب**
- ۱ ایو نام چوق مالدن مرغوبدر و لطف و کرم کومش و التوندن اولیدر .

- ۲ زنکین و فقیر بری برینه راست کلور ایکیسنگ خالق ربدر.
- ۳ عاقل آدم بلای کورور و کیرلنور جاهلر ایسه ایلرو کجوب ضرر کورورلر.
- ۴ تواضع ورب قورقوسنگ نتیجه سی ثروت و عزت و حیاتدر.
- ۵ اکری ادمک یولنده دیکن و کندلر واردر جانی حفظ ایدن انلردن اوزاق طورور.
- ۶ چوجنی یولنک ابتدا سنده تعلیم ایله و اختیار اولدیغی زمان بیله اندن صاپیه جقدر.
- ۷ زنکین فقراید تسلط ایدر و اودنج آلان اودنج ویرنک قوی اولور.
- ۸ کلک اکن فنالق بیجر و حدتک عصاسی محو اوله جقدر.
- ۹ ایو کوزلو آدم مبارک اوله جقدر زیرا کندی آتمکندن فقیره ویرر.
- ۱۰ مستهزی بی طرد ایله و غوغا دفع اولور هم دخی نزاع و حقارت کسیلور.
- ۱۱ صفوت قلبی سون کیمسه نک دوداقلرنده لطف اولدیغندن ملک اکا دوست اولور.
- ۱۲ ربک کوزلی علی وقاید ایدر لکن غدارک سوزلرینی بوزار.
- ۱۳ تنبل دیرکه طیشاریده ارسلان وار زوقاقلرده قتل اولنه جغم.
- ۱۴ فاحشه لک اغزی درین چوقوردر ربک غضب ایتدیکی آدم اورایه دوشر.
- ۱۵ چوجغک قلبنده سفاهت باغلودر تربیه دکنی انی اندن اوزاقلاشدورور.
- ۱۶ اموال چوغا التمی ایچون فقیره ظلم ایدن وزنکینه ویرن مطلقا ضرورته دوچار اوله جقدر.

- ۱۷ قولاغی میل ایتدروب حکمت صاحبلیک سوزلرینی
دیگله و علمه کوکل ویر .
- ۱۸ زیر ایلری درینکده صاقلار ایسهک خوشدر انلر دوداقلرک
اوزرنده دخی ثابت اوله جقدر .
- ۱۹ اشته بوکون بوشیلری سکا همان سکا ییلدرم که اعتمادک
ربه اوله .
- ۲۰ سکا تدبیر و علم خصوصنده دفعاتله یازمدمی
- ۲۱ تا که سکا طوغری سوزلرک حقیقتنی اوکرده یمده سکا کوندرنلره
طوغری سوزلرله جواب ویره سین .
- ۲۲ فقیری فقیر اولدیغی ایچون صویمه و بیچاره یی قپوده
چیکندهمه .
- ۲۳ زیر ارب انلرک دعوالرینی کوره جک وانلری یغما ایدنلری
یغما ایده جکدر .
- ۲۴ غضبنک ادمه رفافت ایتمه و حدتلو آدم ایله کیمته
- ۲۵ اولیه که انک یوللرینی اوکرنده سین و جانکی طوزاغه
دوشوره سین .
- ۲۶ ال ویرنلردن بورج ایچون کفیل اولانلردن اوله .
- ۲۷ اداید قدرتک اولمدیغی حالده نیچون آلتکدن دوشککی
آلسون .
- ۲۸ اجدادکک قودقلری قدیم حدود نشانی یرندن قالدرمه .
- ۲۹ کندی ایشده غیرتلو آدم کورورمیسین ملکر حضورنده
طوره جق نامعلوم ادملر اوکنده طورمیه جقدر .

یکرمی او چنجی باب

- ۱ حکمدار ایله سفرده اوتوردیغکده اوککده اولاند ایو دقت ایله .
- ۲ واکر اشتها صاحبی ایسهک بوغازکه ییچاق قو .
- ۳ انک نفیس طعاملرینه ارزو ایته زیرا حیلله اتمکیدر .
- ۴ زنکین اولغه چاشمه بو مرامکدن واز کچ .
- ۵ کوزلرکی اول لاشی حکمنده اولاند دیکرمیسین چونکه مطلقا کندینه قنادلر یاپار و قارتال کی هاوایه اوچار .
- ۶ کوتو کوزلو ادمک اتمکنی ییمه و انک نفیس طعاملرینه ارزو ایته .
- ۷ زیرا کندیبی کندی نفسنده دوشندیکی کبیدر سکا یی ایچ دیر فقط قلبی سنک ایله دکلدر .
- ۸ یدیکک لقمه یی استفراغ ایده جکسین ولطیف سوزلرکی ضایع ایلیمه جکسین .
- ۹ احقک قولاغنه برشی سویله زیرا سوزلرک حکمتی تحقیر ایدر .
- ۱۰ قدیم حدود نشانی یرندن قالدرمه ویتیملرک تارلارینه کیرمه .
- ۱۱ زیرا ولیلری قوتلودر و سنک ایله دعوالرینی او کوره جکدر .
- ۱۲ قلبی تربیه و قولالقرکی علم سوزلرینه میل ایتدر .
- ۱۳ چوجنی تأذیب ایتمکدن امتناع ایته زیرا انی دکنکله دوکر ایسهک اولمز .
- ۱۴ سن انی دکنکله دوکر سین لکن جانی هاویه دن قورتارور سین .
- ۱۵ ای اوغلم اگر قلبک حکمتلوا یسه بنم قلم دخی مسرور اولور .
- ۱۶ و دوداقلرک طوغری شیلر سویلیدیکنده بو برکرم شادمان اولور .

- ۱۷ قلبك كناهكارلری قرقانسون انجق هركون رب قورقوسنده اول .
- ۱۸ زيرا حقیقه آخرت وار امیدك دخی بوشه چیقمیله جقدر .
- ۱۹ ای اوغلم دیکله وعقللاو اول و قلبکی حق طریقه طوغرلت .
- ۲۰ میخورله وجسدلرینی تلف ایدنلره رفیق اوله .
- ۲۱ زيرا بکری ومسرف فقیر اولور و او یقو یرتق البسه کیدر .
- ۲۲ سنی تولید ایلان پدرکی دیکله و والدهکی اختیار اولدیغنده تحقیر ایتمه .
- ۲۳ حقیقی صاتون آل وصاتمه کذلک حکمتی و ادبی و عرفانی .
- ۲۴ صالحك پدری زیاده سیله سینه جك و اهل حکمتی تولید ایدن انکله مسرور اوله جقدر .
- ۲۵ پدرك و والدهك مسرور اولسون و سنی طوغران سونسون .
- ۲۶ ای اوغلم قلبکی بکا ویر و کوزلك یوللر مه دقت ایتسون .
- ۲۷ زيرا فاحشه بر درین چوقوردور و غریبه بر طار قیودر .
- ۲۸ حرامی مثالو پوصوده اوتورور و خلق اراسنده خائنلری آرترور .
- ۲۹ وای کیمه آه کیمه نزاعلر کیمه شکوی کیمه سببسن یاره لر کیمه و قزارمش کوزلر کیمه عانددور .
- ۳۰ شراب یاننده اکلناشره ممزوج شرابی ارامغه کیدنلره عانددور .
- ۳۱ شرابك قرمزی اولسته قدحده رنگنی کوسترمسته و کوزل آقدیغنه باقه .
- ۳۲ نهایتنده ییلان کبی صوفار و انکرك کبی ایصرور .
- ۳۳ کوزلك غریبه لره باقه جق و قلبك اکری شیلر سویلیه جکدر .
- ۳۴ و دكرك اورته سنده یاتان کبی وکی دیرکنده اوپویان کبی اوله جقسین .
- ۳۵ بنی دوکدیلر اغری حس ایتمدم بنی ضرب ایتدیلر بیلمدم نه زمان او یانه جغم که انی بردها آراییم .

یکرمی دردنجی باب

- ۱ اهل شر اولانلری قزقانه وانلر ايله برابر بولمغه ارزو
چکمه .
- ۲ زیرا قلبلری ظلم تفکر ایدر و دوداقلری غدردن بحث ایلر .
- ۳ خانه حکمتله یاپلور و عرفانه ثابت اولور .
- ۴ غزنلر علم واسطه سیله هر نوع قیتلو و نفیس اموال ايله
طولار .
- ۵ اهل حکمت قوتلو اولور و اهل علم قوتنی محکم قیلار .
- ۶ زیرا محاربکی تدبیرله ایده جکسین و مستشارلر کثرتنده
خلاص وار .
- ۷ حکمت احق ایچون چوق یوکسکدر قپوده اغزینی آچاز .
- ۸ کوتولک دوشان کیمسه یه اهل فساد دینلور .
- ۹ سفاهت تفکر ایتک کناهدر و ناس عندنده مستهزی مکروهدر .
- ۱۰ مضایقه کوننده فتور کتورر ایسه ک قوتک آزدر .
- ۱۱ اولومه کوتوریلنلری قورتار و قتل اولمق اوزره بولنانلری
خلاص ایتمکدن کیرو طورمه .
- ۱۲ اشته بزبونی بیلمک دیر ایسه ک قلبلری وزن ایدن مطلقا
آکلار و سنک جانکی حفظ ایدن ییلور و ارمه علمنه کوره
مکافات ایدر .
- ۱۳ ای اوغلم بال بی زیرا ایودر و طامله بالی بی زیرا دماغه
طاتلودر .
- ۱۴ کذلک اگر بوله ییلور ایسه ک حکمتی بیلمک دخی جانکه
بویله در و آخرت وار امیدک دخی بوشه چیقیمه جقدر .

۱۵ ای شریر صالحك مسكنی علیهنه پوصوقورمه وانك آرامكاهنی
خراب ایتمه .

۱۶ زیر صالح یدی کره دوشر ایسه ده ینه قالفار فقط شریرلر
بلا وقتنده ییقلورلر .

۱۷ دشمنك دوشدیکنه سونمه وییقلدیغنده قلبك مسرور
اولسون .

۱۸ اولیه که رب کوره ونظرنده فنا کورینه وغضبنی اندن
دودره .

۱۹ کوتور ایچون اینجنمه شریرلی قرقاقمه .

۲۰ زیر کوتو آدمك عاقبتی خیر اولماز شریرلك چراغی سوزر .

۲۱ ای اوغلم ربدن و میلکدن خوف ایله واختلاجلیر ایله
اختلاط ایتمه .

۲۲ زیر انلك هلاکی انسرین کلور وایکیسنه کلهك بلای
کیم بیلور .

۲۳ بو شیر دخی حکمت صاحبیرینه مخصوصدر حکمه خاطره
رعایت ایتمك ابو دکلدر .

۲۴ شریره صالح سین دیانه خلق بد دعا ایدر واملر اکا لغت اوقور .

۲۵ لکن تعزیر ایدنلر مظهر لطف اولورلر وانلر اوزرینه خیر
و برکت اولور .

۲۶ طوغری جواب ویرن کیسه دوداقلری اوپر کبی در .

۲۷ طیشاریده کی ایشکی نظامنه قو وانی ترلاکده ترتیب ایله
اندنصکره خانه کی بنا ایله .

۲۸ قوکشوک علیهنه سبب سز شهادت ایتمه و دوداقلرکله الداتمه .

۲۹ بکا ایتدی کی بن ده اکا او یله ایده جکم اول ادمه ایشنه
کوره ادا ایلیه جکم دیه .

- ۳۰ تنبلك ترولا سنك وعقلی نقصان ادمك باغنك يانندن كچدم .
 ۳۱ واشته هپسندده ديكن بتمش ويوزيني ايصرغانلر اورتمش
 و طاش ديوارى يقلمش ايدى .
 ۳۲ ونظر ايدوب فكرمده صاقلادم باقدم وعبرت آلددم .
 ۳۳ ازاجق اويقو ازاجق اويوقله ياتمق ايچون ازاجق الى ال
 اوستنه قومقلق ديرايكن
 ۳۴ سنك فقيرلكك ساعى كبي و ضرورتك سلاحو آدم كبي
 كله جكدرد .

يكرمى بشنجى باب

- ۱ بونلر دخی امثال سليماندن اولوب انلری یهودا ملیکی حزقیانك
 ادملری تحریر ایتدیله .
 ۲ بر شینی ستر ایتك اللهك شانیدر فقط بر ماده یی تفحص
 ایتك میلكرك شانیدر .
 ۳ سمواتك یوكسكلکی وزمینك درینلکی و میلكرك قلبی تفحص
 اولنماز .
 ۴ كوشدن جروفي ازاله ايله وقویجی ایچون قاب چیقار .
 ۵ میلكرك حضورندن شیریری دفع ايله و انك تختی صلاحله
 ثبات بولور .
 ۶ میلكرك حضورنده تفاخر ایتمه و یوكلرك مقامنده طورمه .
 ۷ زیرا سكا یوقاری بیور دیملری كوزلرك كوردیکی بكك
 حضورنده سنی اشاغی ایندرملرندن ایودر .
 ۸ دعوايه عجله ايله چیقمه اولیه كه قوكشوك سنی تعییب
 ایتسیله نهایتنده نه یاپه جفگی بیلمیه سین .

- ۹ قوڪشوك ايله دعواكى سور و سرتى بشقه يرده سويله .
- ۱۰ اوليه كه ايشيدن سنى تعيب ايد و رذالتك سندن دفع اولميه .
- ۱۱ مناسبتله سويلنيلان سوز كومشدن تزينات اراسنده التون الماركي در .
- ۱۲ ايشيدن قولاق ايچون اهل حكمتك تعزيرى التون كوپه و خاص التوندن زينت كي در .
- ۱۳ صادق ايلچى انى كوندرفله حصاد وقتنده قار سرينلكى كيدر و افنديسنگ جاني مفرح قيلار .
- ۱۴ يالان هديه ايله افتخار ايدن آدم يغمورسن بلوط و روزگار كي در .
- ۱۵ تحمل ايله حكمدار اقناع ايديلور و طاتلو دل كيكلرى قيرار .
- ۱۶ بال بولديغك زمان سكا كفائيت ايدجك قدر ي اوليه كه انكله طويديغكده انى استفراغ ايدمسين .
- ۱۷ اياغك قوڪشوك خانه سنه سيرك باصسون اوليه كه سندن اوصانوب اكراه ايتسون .
- ۱۸ قوڪشوسى علمينده يالان شهادت ايدن آدم طوپوز و قليج و سيورى اوق كي در .
- ۱۹ مضايقه كوننده خان ادمه اينامق قيريق ديش و بورغلمش اياق كي در .
- ۲۰ محزون قلبه نغمه لر ترنم ايدن صغوق كونده اثوابنى چيقازان ادمه ياخود كه رچيله اوزرينه دوكلمش سر كديه بگز .
- ۲۱ اكر دشمنك آج ايسه اكا طعام وير و اكر صوصامش ايسه اكا صو وير .
- ۲۲ زيرا بوى ايتمكه انك باشنه آتش قورلرى ييغمش اولورسين و رب سكا مكافات ايدجكد .

- ۲۳ پوراز روزکاری یغموری و غضبناك چهره غیبت سویلیان
لسانی دفع ایدر .
- ۲۴ طام گوشه -نده اوتورمق تراغجی قاری ایله بیوک خاندده
ساکن اولمقدن ایودر .
- ۲۵ اوزاق یردن کلان خیرلو خبر صوسامش ادمه صوغوق صو
کیدر .
- ۲۶ شیرك اوکنده دوشن صالح بولاش پکار و بوزلمش چشمه
کمی در .
- ۲۷ چوق بال یمک ایو دکدر و ادمک کندی عزتی ارامسی عزت
دکدر .
- ۲۸ کندی روحنی ضبط ایتمیان آدم ییقلش و سورسز شهرکمی در .

یکرمی التنجی باب

- ۱ یاز وقتنده قار و حصاد وقتنده یغمور نصل ایسه بویله ده
احقه عزت یاقشماز .
- ۲ سرچدنك طولاشدیغی و قرلانجك اوچدیغی کبی بویله ده سببسز
بدعا اصابت ایتمز .
- ۳ آتد قامچی و مرکبه کم واحقك ارقه سنه دکنك لازمدر .
- ۴ احقه کندی حاقته کوره جواب ویرمه اولیه که اکا مشابد
اوله سین .
- ۵ احقه کندی حاقته کوره جواب ویر اولیه که کندی
نظرنده عاقل اوله .
- ۶ احقك الیه خبر کوندراں کندی ایاقلرینی قیرار و ضرر چکر .
- ۷ احقك اغزنده مثل طوپالك ایاقلری کبی آقسار .

۸ احقه عزت ویرن طاش یغندیسنه بر کیسه جواهر قویانه
بکزر.

۹ احقك اغزنده مثل سرخوشك النده اولان دیکن کبدر.

۱۰ هر شیئی خلق ایدن عظیمدر احقه مجازات و تجاوز ایدنلره
مجازات ویرر.

۱۱ کوپك کندی قی ایتدیکی شیئه دوندیکی کبی احق کندی
حماقتی تکرار ایدر.

۱۲ کندی نظریده عاقل اولان آدم کوردکی اندن زیاده احقندن
امید وار.

۱۳ تنبل آدم یولده ارسلان میدانلرده ارسلان واردردیر.

۱۴ قپو کندی رزه سی اوزرنده و تنبل کندی یتاغی اوزرنده
دوئر.

۱۵ تنبل کندی النی صحنه باترور وانی اغزینه دوندرمکه اوشئور.

۱۶ تنبل کندی نظرنده عاقلانده جواب ویرن یدی ادمدن زیاده
اهل حکمتدر.

۱۷ یولدن کچر ایکن کندوسنه راجع اولمیان منازعه ایچون
حدتنان آدم کوپکی قولقلرندن طوتان کبی در.

۱۸ قوکشوسنه حیلله ایدوبده لطیفه ایلدم دیان آدم

۱۹ قغلملر و اوقلر و اولوم صاچان مجنون ادمه بکزر.

۲۰ اوطن اولینجه آتش سوزر و غماز اولینجه غوغا بیتر.

۲۱ قورلر ایچون کور و آتش ایچون اوطن نصل ایسه نزاع
طوتشدرمق ایچون غوغاچی کیسه اویله در.

۲۲ غمازك سوزلری لقوملر کبدر و قارنك ایچروسنه اینزلر.

۲۳ حرارتلو محبت کوسترن دوداقلر ایله کوتوقلب کومش خلطیله
صوائش طوپراق قاب کبدر.

۲۴ بغض ایدن آدم دوداقلریله مدارا ایدر فقط دروننده - له
صاقلار .

۲۵ انك كوزل سويليشنه اينانيمه سين زيرا قلبنده یدی مکروه
شی وار .

۲۶ خصومتی حيله ايله ستر ايدنك کوتولگی جماعتده اظهار
اولنه جقدر .

۲۷ چوقور قازان ايچنه دوشه جك وطاش انی یواریانك
اوزرينه دونه جکدر .

۲۸ يالانچی دل کندی ضرب ايتدیكى کیمسه لره بغض ایدر
ومداهنه لواغز باعث هلاکدر .

يکرمی یدنجی باب

۱ یارنکی کونله افتخار ایتمه زيرا کون نه طوغره جغنی بیلمز سین .

۲ کندی اغزك دکل انجق بشقه سی کندی دوداقلرك دکل
انجق اخری سنی مدح ایلسون .

۳ طاش اغر و قوم اغر لکن سفیهك غضبي ايکيسندنده اغردر .

۴ غضب مرحتسر وحدت سیل کیدر فقط حسدك اوکند .
کیم طوره بیلور .

۵ اشکاره تعزیر کیرلو محبتدن ایودر .

۶ احبابك آچدیغي یاره لر امیندر لکن دشمنك اوپوشلری بولدر .

۷ طوق آدم بالی تحقیر ایدر فقط آج اولانده هر آجی شی
طاتلودر .

۸ یرندن آواره اولان آدم یواسندن آواره اولان قوش کیدر .

۹ یاغ و بخور قلبی مفرح قیلار کذلک دوستك جان و کوکلدن
اولان طاتلولغی .

- ۱۰ دوستی و پدرک دوستی ترک ایتمه و مضایقه کونده
برادرک خانه سته کیمه یقین قوکشو اوراق برادر دن ایودر.
- ۱۱ ای او غم اهل حکمت اول و قلبی مفرح قیل تاکه بنی
عیلیانه جواب ویرهیم.
- ۱۲ عاقل آدم بلای کورور و کیزلنور جاهلار ایسه ایلرو کجوب
ضرر چکرلر.
- ۱۳ اجنبی به کفیل اولانک اثوابنی آل و غریبه ایچون کفیل اولاندن
رهن آل.
- ۱۴ صبا حلین ارکن قالغوب قوکشوسی ایچون یوکسک سسله خیر
دعا ایدنک دعاسی بد دعا یرینه چکر.
- ۱۵ یغمورلو کونده طامک علی الدوام طاملامسی و نزعجی قاری
بری برینه بکرز.
- ۱۶ انی کیزلیان روزکاری کیزلر و صاغ النده اولان یاغ کندینی
بیان ایلر.
- ۱۷ تیمور تیمورله بیله نور و آدم دوستک یوزینی بیلر.
- ۱۸ انجیر اغاجنی تیمار ایدن انک میوه سنی یر و افندی سنی بکلیان
عزت بولور.
- ۱۹ صو یوزی یوزه هکذا قلب ادی ادمه کوستر.
- ۲۰ هاویه و هلاک طویماز انسانک کوزلی دخی طویماز.
- ۲۱ پوطه کومشی و اوجاق التونی آدم دخی کندینی مدح ایدن
اغزی امتحان ایتسون.
- ۲۲ سفیدی بغدادی ایله برابر دیکده طوققله دوکسه ک بیله سفاهتی
اندن کیمز.
- ۲۳ قویونلرک حالنی ایوجه بیل سوریلرکه دقت ایله.
- ۲۴ زیر ثروت دائمی دکلدر و تاج دور بدور قالماز.

- ۲۵ اوت بتر چن کورینور و طاغلرک نباقی طویلانیلور .
 ۲۶ قوزیلر سنک لباسک ایچوندر وارجلر ترلاک قیمیدر .
 ۲۷ طعامک ایچون و خانهکک طعامی ایچون و جاریدلرکک نفقه می
 ایچون کفایت مقداری یچی سردک اوله جقدر .

یکرمی سکرنجی باب

- ۱ قوغالایان یوق ایکن شریر قاچار اما صالحلر کنج ارسلان
 کبی جسوردر .
- ۲ دیارک عصیان سببیله رئیسلی چوق اولور لکن آکلایشلو
 و عالم ادمک اداره سنده حسن حالی دواملو اولور .
- ۳ فقیر اولوبده یوقسوللره ظلم ایدن آدم محصول براقیان شدتلو
 یغمور کی در .
- ۴ شریعتی ترک ایدنلر شریرلی مدح ایدرلر لکن شریعتی حفظ
 ایدنلر انلره مقاومت ایدرلر .
- ۵ کوتو ادملر حق آکلمازلر اما ربی طلب ایدنلر هر شیئی
 آکلارلر .
- ۶ کالیله سلوک ایدن فقیر زنکین اولوبده یوللری اکرى اولان
 امدن ایودر .
- ۷ شریعتی حفظ ایدن آکلایشلو اوغلدر لکن مسرفلره رفیق
 اولان پدرینی اوتاندرور .
- ۸ مالنی فائض و مراحجه ایله چوغالدان آدم انی یوقسوللره
 مرحمت ایدن ایچون جمع ایتیش اولور .
- ۹ شریعتی دیکله مکدن قولاغنی چویرنک دعاسی بیله مکروهدر .
- ۱۰ مستقیملری کوتو یوله صاپدران کندی چوقورینه دوشه جک

اما کاملر خیره وارث اوله جقلمر .

۱۱ زنکین آدم کندى نظرنده عاقلدر لکن آکلایشلو اولان فقیر
انی تفحص ایدر .

۱۲ صالحلر مسرور اولدقدہ بیوک افتخار اولور اما شیرلر رفعت
بولدقدہ آدم بولماز اولور .

۱۳ قباحتنی ستر ایدن برخوردار اولماز اما اقرار و ترک ایدن
مرحت بولور .

۱۴ دائما خوف ایدن آدم مبارکدر اما قلبی قاتیلاشدران بلایه
دوشر .

۱۵ فقیر قوم اوزرینه تسلط ایدن شیر کوموردیان ارسلا
و طویماز آیوکی در .

۱۶ آکلایشی نقصان اولان حکمدارک ظلمی چوق اولور اما
طمعدن اکراه ایدن عمرینی آرتور .

۱۷ برکیمسه نك قانیله مجرم اولان آدم چوقوره قدر قاچار کیمسه
اکا تصاحب ایتمسون .

۱۸ کمال اوزره سلوک ایدن خلاص بولور فقط ایکی یوللو اکر
آدم برنده دوشر .

۱۹ طوبراغنی ایشلیان اتمکه طویار لکن بوش ادملرک ارقه سندن
قوشان فقیرلکه طویار .

۲۰ صادق ادمک برکتلی چوق اولور اما زنکین اولغه عجله
ایدن صوچسز اولماز .

۲۱ خاطر کوزتمک ابو دکلدز زیرا برلقمه اتمک ایچون آدم کنه
ایشلر .

۲۲ کوتو کوزلو آدم زنکین اولغه عجله ایدر و کندى اوزرینه
فقیرلک کله جکنی بیلمز .

- ۲۳ بر آدمی تعزیر ایدن لسانله مداهنه ایدندن زیاده نهایتده لطف بولور .
- ۲۴ پدر ویا والده سنی صویوبده کناه دکدر دیان هلاک ایدیحینک رفقیدر .
- ۲۵ قلبی متکبر اولان آدم نزاع چیقارور لکن ربه توکل ایدن سمیرلنه جکدر .
- ۲۶ کندی قلبنه توکل ایدن احقدر فقط حکمت اوزره سلوک ایدن خلاص بولور .
- ۲۷ فقیره ویرن محتاج اولماز اما یوز چویرنه چوق لعنت اولور .
- ۲۸ شیرلر رفعت بولدقده ادملر کیرلرورلر و هلاک اولدقلرنده صالحلر چوغالور .

یکرمی طقوزنجی باب

- ۱ چوق دفعه تعزیر اولنوبده بویینی سرتلشدن آدم انسرین قیریه جق و شفا بولیه جقدر .
- ۲ صالحلر کسب قوت ایتدکده قوم فرحمنور لکن شیرر تسلط ایتدکده قوم آه چکر .
- ۳ حکمتی سون کیمسه پدربنی مفرح قیلار اما فاحشه لری ایه الفت ایدن مال تلف ایدر .
- ۴ ملک عدالتله دیاری ثابت قیلار لکن رشوت آلان اتی خراب ایدر .
- ۵ قوکشوسنه مداهنه ایدن آدم انک ایاقلری ایچون طوزاق قورار .
- ۶ کوتوادمک کناهنده طوزاق وار اما صالح شاد و مسرور اولور .

- ۷ صالح آدم فقرانك دعواسنی یلور فقط شیر بیلکی وظیفه
ایدنمز.
- ۸ مستهزی ادملر شهری اختلاله ویرلر اما حکمت صاحبلی
غضبی تسکین ایدرلر.
- ۹ اهل حکمت سفیه ایله دعوی ایتدیکنده طارلسه ده کولسه ده
راحتی اولماز.
- ۱۰ قانلو ادملر کامله بغض ایدرلر لکن مستقیملر انك جانی قایرورلر.
- ۱۱ احق بتون فکرینی میدانه چیقارور اما اهل حکمت وقت
آخر ایچون صاقلار.
- ۱۲ یالان سوزی دیکلیان حکمدارک جله خدمه سی شیر اولور.
- ۱۳ فقیر و ظالم آدم بری برینه راست کلور ایکیسنکده کوزینه
نور ویرن ریدر.
- ۱۴ فقرایه حق اوزره حکم ایدن ملکک تختی الی الابد ثابت اولور.
- ۱۵ دکنک و تعزیر موجب حکمتدر وکندي حاله براقیلان
چوجق والده سنی اوتاندرور.
- ۱۶ شیرلرک چوغالمسیله کناه چوغالور فقط صالحلر انلرک
دوشمه سنی کوره جکدر.
- ۱۷ اوغلی تربیه ایله وسکا راحت و جانکه صفا ویره جکدر.
- ۱۸ الهام اولمجنه قوم فاسد اولور لکن شریعتی حفظ ایلیان
مبارکدر.
- ۱۹ آکلایوبده جواب ویرمیان قول سوزلره تربیه اولتماز.
- ۲۰ کنیدی سوزلرنده عجله ایدن بر آدم کوردکی اندن زیاده
احقندن امید واردر.
- ۲۱ هر کیم قولنی صباوتدنبرو نازکانه بسلسه نهایت کندينک
اوغلی اولور.

۲۲ غضبلو آدم نزاع چیقارور و حدتلو ادمک چوق قباحی اولور.
 ۲۳ ادمک کبری انی الحاقلا دور لکن متواضع آم عزتد نائل اولور.
 ۲۴ خرسزه رفیق اولان کندی جاننه بغض ایدر یعنی ایشیدرده
 خبر ویرمز.

۲۵ انسان قورقوسی طوزاغه دوشورور اما ربه توکل ایدن
 حایه اولور.

۲۶ حکمدارک یوزینی طلب ایدنلر چوق اولور لکن ادمک
 حکمی ریدندر.

۲۷ ظالم آدم صالحلر عنندنه مکروهدر واستقامت اوزره سلوک
 ایدن کیمسه شریرک عنندنه مکروهدر.

اوتوزنجی باب

۱ اجور ابن یاقانک سوزلری یعنی اول ادمک ایتئیله ایتئیل ایله
 اوقاله سویلدیکی وحیدر.

۲ حقیقه بن هر ادمدن زیاده عقلسز ایم وبنده انسان
 آکلایشی یوقدر.

۳ و بن حکمت اوکرندم و قدوسک علنی بیلم.

۴ سمواته کیم چیقدی وایندی روزکاری آوچلرینه کیم طوپلادی
 صولری اثوابه کیم صاردی زمینک جمله متهلرینی کیم قائم
 ایتدی انک اسمی نه و اوغلنک اسمی نه اولدیغی معلومکمیدر.

۵ اللهم هر کلامی صافیدر اوکندوسنه توکل ایدنلره قلقاندر.

۶ انک سوزلرینه علاوه ایتمه اولمیه که سنی تعزیر ایده ویالانجی
 حقیقه سین.

۷ سندن ایکی شی طلب ایدرم بن اولمزدن اول انلری بندن
 دریغ ایتمه.

- ۸ بطلانی و بالائی بدن اوزاقلشدر بکا نه فقیرلک و نه زنکینلک
ویر نصیم اولان اتمکله بنی بسله .
- ۹ اولیه که طویه یمده سنی انکار ایدوب رب کیمدر دیدیم
و اولیه که فقیرلنوبده سرقت ایدهیم واللهمک اسمنی بیهوده
یره اغزمه آلهیم .
- ۱۰ بر قول حقنده افندیسنه شکایت ایتمه اولیه که سکا بددعا
ایلمه و قباحتلو بولنه سین .
- ۱۱ پدرینه بددعا ایدن و والده سنه خیر دعا ایتمیان نسل واردر .
- ۱۲ کندی نظرنده پاک فقط مردارلغندن یقانامش نسل واردر .
- ۱۳ کوزلری زیاده سیله متکبر و کرپکلری یوکسک نسل واردر .
- ۱۴ بیچاره لری زمیندن و فقرایی ناس اراسندن یمک ایچون
دیشلری قلیج و آزو دیشلری یچاق کبی اولان نسل واردر .
- ۱۵ سولکک ایکی قیزی وار ویر ویر دیرلر بو اوچ شی
طویماز درت نسنه کفایت ایدر دیمز .
- ۱۶ هاوید و عاقر رحم و صویه طویماز طوپراق و کفایت ایدر
دیمز آتش .
- ۱۷ پدرینی استهزا ایدن و والده سنه اطاعت ایتمکی خور کوران
کوزی دره قارغه لری اویدجق و قارتال یاوورلری ییه جکدر .
- ۱۸ بو اوچ شی بکا عجائب کورینور بیلدیکم درت شی بیله
واردر .
- ۱۹ هواده قارتالک یولی قیا اوزرنده ییلانک یولی دکر اورتدسنده
کینک یولی و قیز ایله اولان ادمک یولی .
- ۲۰ زانیه نک یولی دخی بویله در یر و اغزبنی سیلر و کوتولک
ایتمدم دیر .
- ۲۱ اوچ شیدنطولایی زمین دهر درت شینه بیله تحمل ایده مز .

- ۲۲ قول ملك اولدقده سفيه اتمكه طويقدده
 ۲۳ مكروهه تزويج اولدقده وجاريه خانمه وارث اولدقده
 زمين دتور .
 ۲۴ زمينده درت كوچك شي وار ولكن انلر زياده سييله عاقلدرلر .
 ۲۵ قارنجملر قوتلو بر طائفه دكلدر لكن انلر ييه جكلريني يازين
 تدارك ايدرلر .
 ۲۶ اطه طوشانلري قوتسز طائفه در فقط اولريني قياده ياپارلر .
 ۲۷ چكر كدرلر ملكي يوقدر اما جله سي بلوك بلوك چيقارلر .
 ۲۸ كرتنكله* اللريلاه ديواره ياپشور و ملكلرك سراينده بولنور .
 ۲۹ ايو يورور اوچ شي وار و درت نسنه نك كيديشي كوزلدر .
 ۳۰ ارسلان كه حيوانلر اراسنده جبار اولوب هيچ برينك يوزندن
 كيرو چكلمز .
 ۳۱ "بلي قولانلو آت§ و تكه و" قومي كنديسي ايله برابر اولان ملك|| .
 ۳۲ اكر تكبر اتمكه سفاهت ايشلدك ايسه ياخود كلك تفكر
 ايتدك ايسه النكي اغزكه قو .
 ۳۳ زيرا سودي صيقمقله پئير† چيقار بروني صيقمقله قان
 چيقار غضي صيقمقله غوغا چيقار .

اوتوز برنجي باب

- ۱ ملك لمويلك سوزلري يعنى والده سنك اكا تعليم ايتديكي
 وحيدر .

|| ياخود قارشو طورلماز ملك

* ياخود اورمحك


† ياخود ياغ

§ ياخود بلي كوچك تازي

- ۲ ای او غم نه ای رحمك او غلی نه ای نذر لرمك او غلی نه
سویله یم .
- ۳ قوتکی نسنوانه و یوللرکی میلکله موجب هلاک اولانلره ویرمه .
- ۴ ای لموئیل میلکله یاقشماز شراب ایچمك میلکله یاقشماز
و مسکرات میلکله یاقشماز .
- ۵ اولیه که ایچوب شریعتی اونوده لر و بیچاره لدن برینك حقنی
تغیر ایده لر .
- ۶ مسکراتی هلاک اولق اوزره اولانه و شرابی جان اچیسنده
بولنانلره ویرکز .
- ۷ تا که انلر ایچوب کندی فقیر لکلرینی اونوده لر و مشقتلرینی
ارتق در خاطر ایتمه لر .
- ۸ اغرنکی دلسز ایچون جمله بیکس اولانلرک دعواسی ایچون آچ .
- ۹ اغرنکی آچوب طوغری حکم ایت و فقیر ایله بیچاره نك
دعواسنی کور .
- ۱۰ فضیلتلو قاری کیم بوله ییلور انك قیمتی جواهر دن چوق
زیاده در .
- ۱۱ زوجنك قلبی اکا اعتماد ایدر و غنیمی اسک اولماز .
- ۱۲ مرقومه اکا بنون مدت عمر نه کلاک ایچوب ایولک ایده جکدر .
- ۱۳ پیاغی و کتان آرار و دیله دیکنی اللریله ایشلر .
- ۱۴ او تجار کیلرینه بکرز اتمکنی اوزاق یردن کتورر .
- ۱۵ ودها کیچه ایکن قالدقار و خانه سی خلقنه طعام و خدمتی
قیرلرینه حصه ویرر .
- ۱۶ بر ترلا حقنده دوشور وانی صاتون آلور اللرینك امکیله
بر باغ دیگر .
- ۱۷ بلنی قوتله قوشادور و بازولرینی قوتلندرر .

- ۱۸ تجارتك ابو اولديغنى آكلار چراغى كچه لين سونمز .
 ۱۹ اللرينى ايكه اوزادور و آوجيله اوركدي طوبار .
 ۲۰ النى فقيره آچار و اللرينى محتاج اولانلر اوزادور .
 ۲۱ خانه سى خلقى ايچون قاردين قورقاز چونكه بتون خانه سى
 خلقنك ايكي قات البسه سى واردر .
 ۲۲ كندينه اورتيلر ياپار البسه سى دلبند وارغوانيدر .
 ۲۳ زوجى ديارك اختيارلى ايله اوتورديغنده قبولده معلومدر .
 ۲۴ بز طوقور و صاتار و تجاره قوشاقلر ويرر .
 ۲۵ البسه سى عزت و شرفدر و كله جك وقتده مسرور اوله جقدر .
 ۲۶ اغزىنى حكمتله آچار و دلنده لطافت قانونى واردر .
 ۲۷ خانه سى خلقنك يوللرينه دقت ايدر و تنبللك آتمكنى يمز .
 ۲۸ اوغللى قالقوب انك حقنده مباركدر ديرلر زوجى دخی اتى
 مدح ايدر .
 ۲۹ چوق قيرلر فضيلتله حركت اينديلر فقط سن جلاه سندن
 افضل اولدك .
 ۳۰ حسن يالاندر و كوزلك فانيدر اما ربدن قورقان قارى مدح
 اولنه جقدر .
 ۳۱ اللرينك امكندن اكا ويركز و ايشلرى اتى قبولده مدح
 ايتسونلر .







82 (1)

$\frac{1}{2}$

